

Mam Edeke Enyarauni Itunganan Toma Atubokinio Komam Ber Ikwenyarit Ngesi

Jeffersonville, Indiana, U.S.A.
63-0724

1 "...kenyarau imalaikan ilukumin itomon," kwabo ediopet tikepedo amudiar akwap, "konye abu Ngesi kotwana kanukon ka eong." Ngin nges ibore bala apetetait nakoto eong ajaun kaisiirareteka kanuka atupuruc Nasabiti, arai ekoto Ejakait, kanu "Inyobo kerai Kristo?" Kosodi kwana kijai oni imuno acepak epedorete ipesur ludidik lu ayoikin ekosio ngol bobo kanuwok, Nasabiti tupuruc. Onac Wheeler, akoto cuticut eong atemar ebe ijaatar cu teni ijo ka amucaalan nudidik nuejokuka noi kanen, ido enapekec, emamei ibore iyasitai toma ka nginibore ice kere. Etakanete kesi kwape Akristayon mamakang, ido eyoete bala ngun ido iswamaete da bala ngun. Erai ngin naejokuna noi.

2 Eyuunit eong, ajai eong alimokin mucaalaka apaaran ya, kijaar cuticut oni ka angor nuetakanete-elaete kane. Eyalama eong noi kanuka ngun. Itimakec lueojak ka ireetin luelaete, ido konapitos kopone loibusakinit. Eong-eong-alelakinit eong yes kanginipak na eong-nalomunia eong toma. Abu eong kalimok Meda, "Akoto eong aibwaikin kesi toma okokoro kacepak kasodi ainomar aputokec tetere eong apedori aitodikin lucekanisan epone loejaar ekanisawok kane." Ebe nailimunio isio iboro lu, kesi-erimarete kesi. Ido kiyalama isio. Iswamai icebore kanukosi. Kijeni isio ebe naikonia isio-isio kidumuni nukilipit, arai mam itauonowok kitubokinitosi oni, kijeni ebe iirari Edeke oni.

3 Atupuruc na, opaperoka ece, loelwana noi kane, aponi kiperikinai, aponi kodakarai ngesi awai ido cut-cut kibucite cut nges aijar adaun, aomitai ti nges ketwana kotoma adakikan adis. Apotu kesi kinomutu esimu, aapie akwap aiwalar. Abu eong kanyou kojamu, kokwap, kasodi ageun ailip kanuka ekesa ngol loemojongit ido abu kapedo kanuka asianut naka Edeke atiror emoyo ngol, kane kobonguni ngesi bobo, teijo, eroko ejarete kaoni akuare na, mama ejai aibuses mama ejai Edeke. Ngol nges emojong Onac Dauch, ikar akaisakanyikaongon luka apolou, akaisaarei-akaisaarei-idiopet ikar atuboros kapak naka erot loka aijarake. Konye ejokuna Ejakait ido ileleba aitim, aso kiyalama oni kanuka ngun.

4 Kwana, Onac Neville, kingoleonokin oni bonik ka bonik ido ajeni eong ebe kijaar eong ka naedit...bala aijanakin adiopet bobo ajaut kane, ido ebuni ngin araun Nasabiti. Ido eong-mam eong akoto ayangaar ekecokonika, alelakinit cut eong aipup ngesi elimonokini.

Nasabiti kuare naalimonokinia ngesi, mere alimok yes, abu eong kalot kuju lailo ka opaperoka o drive-in (aibois naitwegelere itunga inyamat kojaasi omotokanakec), kanu agwelun sambuusa ekaulo konyet, Onac Evans ka Iinac Evans, kasodete aturiaikin airiamar ka Onac ka Iinac Sothmann kokuju kalaingol. Onac Sothmann ka luce da kere enerasi nuikamunitos aisiiraret ngin naeumokina. Ido, kalimokini eong yes, ajaria kereka eong ngin adaun esabiti, nepetai. Ido ace kotoma alimuneta ngun ebe epone loemitor ekuulu ebe angopit ngesi elopet. Kwana, erai ngin nakabeit, naeremokinio ngesi akekou kwap, kwabo neepol kangesi eringa eseseni kinga. Aso ngol bala nges epone kiswama oni kacepak. Kitami oni aibwa akou wok kokau naka ibore ice, ejai nen duc...acepak eringa oni itakani, ijenete yesi. Eseseni Ngesi nginitutubet wok kere, teijo. Aso teniteni iyalamasi kanuka ngun.

5 Kasodi konyet eong aomoom, akoto eong ener mama ejai ekanisa ido abu kaomoom, eebo, eong-eong...Onac Neville inerenena mamakus apak kere, aso do neajaar eong kwap lailo acepak aijesun kwap. Mam eong akoto aisoswaikinit neilesikino, ido komam eong alosit kinga kanuka anyarario, arai emamei ibore, ido konyet aisal aiboi kotogo kwabo kongara ekanisa kokwap kalailo. Eong-eong kijaar...akoto eong ajaut kwap lailo naarai amina eong yes.

Alimokini eong yes, asubit cuticut eong bala...Ejautene loka ikwamin kane mam ecamanara keong, ido eong...kosodi akwap na mam ecamanara keong ido egiritosi eong aokot ekwam loejai ne. Atipet cut ngipengin naetiroria ekwam ngol eong kalomakinete eong ajokeiko, akuan kere, teijo, ido emameete nuipedori jo aswam kanukangun. Ido eong...Ido mam isio kipupi ejok, emamei idio kasio, kapak naijaar isio ne. Isio...ecicing idiopet da ber kasio aipup ejok ageun isio aponare ne, naarai kisub isio bala kinaiki ejautene loka ikwamin ngul luikiara.

6 Konye, kwana, ibore idiopet yeniriunit eong ne nges yesi kere. Erai ngin nakabeit, yesi kere. Ijenete yesi, idumuni jo ipapero luipu, eong-eyalama eong noi. Aomit eong eong...arai bon eong aimar, eong elopet, itunga luajeni eong, ti keraunos acepak imilionin anatar akwap kere. Irwan ace abu icetunganan koomite bala kotoma aijeneke kilopet, bala itunga imilionin itomon. Konye ejai ibore yenikamunit-yenikamunit ore, yenikamunit itunga ice: Ejai bon...Ejaatar nginitunganan ka ngun, ejaasi itunga luitegelikina kotoma aijarakon. Ijenete yesi, eyuunit eong ngun. Arai mam, kanukinyo bodo eraar amucaalat wok naitegelikina mamawok? Ido kanukinyo-kanukinyo eraar aok...Ianyutu? Kirai oni...amucaalan wok, ikiliok wok, ka ice da kwngin, erai-erai yenitegelikina. Ido ijaatar jo kangun nepepe kipapero. Ejai ibore ice arai yii ebe imina jo airiamunun kakes kosodi ener nepepe kakes. Ejaasi aitakineta nudidik.

Ido apedori eong aomoom nuka esamai lomojong lo kane neabwoia ikanisa yen, ido nearingar nges

kebwoia kane amamei idiobore kilema a-a atapar. Erai kanukangun nges itoritor erot ngol kinga ngina, kanu aomikin atapar ngin. Erai ngin kaitebeikin nakiibeit, ido itorunit erot eiduny ka ekek kane. Ido, konye arai ngin atapar. Ido eitunit eong neabunio eong kinga lailo ido aitam adumun aibois nadukokina ekanisa mama ejai Ejakait, ido karai bon esapat.

7 Ido abu eong kapup lu, ekesa lodidi lo ka loce je kalailo, ilipete kapak edit naatubor, nepepe kainakina ngin kere. Abu eong kaomoom, "Ijeni jo, amina kolo eong da apedorit ailip kopone kangol, komam eiyenganeka aisigisiga, acicing." Kosodi konyet kimojongia jo, kogeuni jo aiyapar motimot nepetai, ijenete yesi, ido ngun. Iringa ca jo ilosi, konye ijai jo "toma ogia lokiareit" kwape abu eong kalimokinia Onac Wood kokinga kangina. Konye, kosodi konyet alemar bon...Kosodi konyet akaulo apak adio kolomari do jo kwap toma ogia loijesuna, naidolio jo nepetai akaisakanyikaarei arai akaisakanyikauni, aomit eong. Konye, ijenete yesi, e...iringa jo ilosi, karaida. Alemar bon naipedoritor jo alosit, nanyoin atiaketait eyangauni ngin? Apak bon iyatakin nadoliet ngina.

8 Eitunit eong epone loelipia eong, ido kanepokane cut kotoma anya nu, nepene cut ne ebwoia epulupit lo kwana, bala cut nepetai neejai ngesi, nen nges abu eong kebubuk eloit lope tai neajeni eong kanu aibwaikin epulupit. Ejakait Edeke nges ainakini eong aibois na. Eebo, cut. Kwana, kanepokanen kotoma amoru nakagor eperi ajenanutuka naka aitapoet atupuruc napesikinia eong ngin, neaninikar eong apedor aomoom kapak kangin, kobala, "Mam lo erai ewemakon, konye kiswama aswam naka ekalimonokinan," abala Ngesi. Abu eong kangolia kinga kasodi asesen akwapin kere kanen, kosodi akuj naacai nemer, ido kojaasi itunga epote kaiboisio kere; ejai ngin eperi kotoma amoru nakagor kanen. Mam eong aomit ebe epote ngun aiswamaun, karaida abala aitapoet kwangin; konye kereka mam ibironor, ebuni ngin ajaut nen karaida biai.

9 Abu eong kajaunotor ka aingitingit naepol noi kosabiti kalo, naarai, Nasabiti, abu Ajakut naka Ejakait naka asianut kijesun kwap. Ido abeit eong ti anyounit alosit Nabalasa.

Kijaar eong...mam ber sio ilosit aiyeng, idwe. Ebuni nakang aiyeng konyet kokau, kokau motimot. Konye akotokin eong ayangar idwe apak naedit. Ibusakinit kes abongor osomero kwana, kanukangun abu eong kaomite ebe esabiti lo tikeraun apak naejok. Atereikina ka Chicago osabiti loebunit kotoma airiamun ngin kangina.

Konye bodo a-a ainyonyoikini naka Emoyo, abu eong kaomoom, "Kwana na nges apak ajaun ka aingitingita." Kwana na nges apak na nu...napedoria eong aikamar ka adis kakesi kane. Ido ejai nen...aseseni eong ice kotoma otunga iboiete kane luajaasi toma agola ngin. Ejenete kesi arai abu Ejakait kiriamunos ka sio arai mam.

10 Erai ibore yenitegelikina ebe...ngitunganan kilema angor ace nuabu Billy kibwaik apak nape eringa, amucaalat ace naebunit ko Louisville, ajaatar ngin kipse yenididi yen ajai nen, aomit eong bala kotenan eraasi kesi luka Church of God ko Louisville, arai icebore. Konye kangolijautene kere, nginidiopet kakesi yen abu kolom toma, eringa eong kenyouno kore abu Emoyo Lokalaunan kolimok eong ngul kere luapote ajaun ne, nuapote kesi aingit. Ido abu eong kewadik apapula kasodi alimun cut nuapote kesi aingit ka aingisetakec epone loeponiata kesi aingit ngun, ido epone lo ebongokinere kes. Konyet do alimokini eong kesi, atemari eong atiar, "Enu kane nu ijo...kongolek kwana, adagikan adis nuatuboros kane, nuabuni Emoyo Lokalaunan..." ariyor akan kokuju naka abao kasodi atemar, "Ianyu? Abu Ngesi kolimok eong nu eringa jo kebuno." Ianyu? Konye najaar eong laiije kotogo, ingai abuni ajaun ngina ido inyo abuni ajaun, epone ali epote kesi apupio, kosodi kere nuikamunitos ngun, eringa da ber eong kenyouno kore.

11 Abu eong kasesen apak, apakio ipu, najaar eong abunore aijesun korot, kelipi, aanyunene eong ekokoro ngol loka ailip etubonor koingarenika ido eong kajenu ngolikiror loabuni ajaut toma okokoro loka ailip, eringa da ber eong kedoluno ne. erai ngin nakabeit. Ka da ber aijen neibokinos kesi kotoma okanisa ido anyoika apote kesi...epone kanapito kec ido epone loetakaniata kesi. Mam jo ilimokini itunga nginibore kere kopone kangol. Ijo...Ejaasi ibore luetakanunete mam cut ijo ilimokini kes. Alimokini bon eong itunga iboro luaomit eong ebe epedorete aingarakin kes, naeridakinia Ejakait eong alimokin kes, atiar, "Kolimok nu." Mam ijo ti ikoto alimun nginibore kere yen ianyunit jo, naarai mam ngin erai naibusakinit, teijo, ijo cut...ejena bo sek, idoe kereka jo toma ationis ka nginibore ice kere kwa kangin. Ibusakinit jo ajenun epone loitingitor jo iboro ngul kanuka Emoyo loka Ejakait.

12 Kijaar eong kitunga ebwoete koingarenika ido kingisingisiete eong aingiseta, ajeni eong becebec, konye mam eong akoto alimokin kes, naarai apupi eong ketingaikinitai mam aswam ngun. Iitunitosi yesi, aomit eong, arai Nakiuniet naatubor kuare, alimonokinia eong nuka, Eenat? Ianyutu? Koany, ikoto jo ti alimokin itunganan ngin, konye ebala Icebore, "Mam iswamauni ngun." Ebala Emoyo, "Mam iswamauni ngun. Mam iswamauni ngun." Konye kereka kojai ainakinet eseseni cut ngun, teijo. "Mam iswamauni ngun. Mam iswamauni ngun." Koany, kanukangun ejok jo ainyein aswam ngun; kanen ijaun jo toma ationis kama ka Edeke.

13 Kwana, mam oni kipunit ne akuare na kanu bon aibwo kane. Kikoto oni aiirar Akirok naka Ejakait. Ijaasi lem yesi ilipete ido kijaunor oni kapak naeumokina, ido-ido eong...duc neabunio eong kwap lailo

ajeni eong ayangauni eong eitabo loedit loka aiwadikaeta nuebeit alimonokinia naarai ejaasi...Kacepakio Onac Neville erai loesiana noi erai bon ngesi loinyikokinit ailipit eong ti, "Ibuni jo aswam nu," arai "aswam ngun," arai "einer?" doodo angolekini eong toma ne kiton ne adumunia eong nulimonokina nukepone mutan kasodete konyet oni ageun kanen. Ido ajeni cut eong...Kwana, kohenete cut ebe Nasabiti...

Kwana, mam eong...Mam oni ijeni, mam oni ipedori ajenun. Koanyutu yesi, abunenen eong ne kacepakio nepepe-nepepe kaiwadikaet kotoma aomisioka nabeit ti eong alimonokin, ido adolun ne kasodi aijulakin ngin cut aibelokin. Ido kijaununor eong ka Nuiwadikatai nuedwikat eong, katemari eong atiar, "Alosi eong aitwasam aiwadikaet na alimonokinia, alosi eong aitwasam nu Nuiwadikatai. Kwape eponiata kesi kwap, alosi eong alimun nu, ngun arai kwa." Abuni eong aiwadik kwap, cut bala, Ikorinton Losodit 5:15 ka Ikorinton Lokiareit 7:1 ka Matayo 28:16, ka ice da, cut aibwaikin kopone kangol, kokwap kane kopone lo, kasodi aiwadik Ikokoron ngul kwap. Kasodi angolekin kwap ne, ajeni eong nuebalasi Nuiwadikatai kanen; acepak mam ber atiror ngun, kolosi erot kere kopone loegelara, kere cut. Kwabo mam cut oni kipedori ajenun.

14 Aso kwana do, arai ekoto Ejakait, akoto eong ener, kotoma agolokin aijanakineta nu nuituputupa ageun eong ajaun ne, Nasabiti tupuruc, ibore yenepol noi. Aso, kwana kereka, kopotu sek, kokapakina asalakin adaun apak nedepara mot, acepak bala isawan ikanyikauni, ibore ice bala ngin. Aso erai ngin...Kijaar eong ka Ikokoron bala akaisauni arai akaisaongon luikamunitos akirot ngin, konye aomit eong inyo ngin...nuabuni eong aitam aswam, arai kingaraki Emoyo Lokalaunan eong, aikamun Aisiiraret ka aiboisit naejai ngin kwana, kasodi aiduk Ngin ageun kane ageunia Ngin, ido aiduk Ngin kiton cut toma apak nakatinen kwana.

15 Tetere neanyounio eong-eong alosit Chicago, kanen iburai eong arasar alosit Arizona, kosodi konyet kwangin, kwangin boboda kwangin. Ido emina araun, kwape ejaar nenangit aijeneka, emina araun okaru ngol bobo, acepak akamu naebunit, eringa eong kebonguno bobo owema lo, arai caat kerai atubor kane bobo, naarai kijaar eong ka airiamununeta.

Ido Billy, kopekwana cut, ejai iswamai kanuka okekwan kanuka airimor nacut naka akwap kere naegeun katipet akaulo naka Christmas. Ido ejaas eong aiworonoreta kanuka apak kere kiton bala December, ido, eebo, acepak esabiti losodit kotoma December, Dallas. Aso do konyet-konyet do kedol January kikoto ageun ailatoikin akwap kere, airimokin kere, cuticut, ido kijai isio aitemonokin ngun kwana, adumun cut ne ebuni Ejakait aingarenikin. Ido-ido eong-eyalama eong noi mama eja...da itunga, ikejaanakinak, kwape noi neetia kwape enerar eong asuruokinit ikec-idiinikec ka iboro kwa kangul.

16 Ijenete yesi, koitabon lueperete kokau kanen kopekwana, Onac Roy Borders nges ikamunitos nuka aisukunyununeta, ido ageun Christmas, nasodit naka ekaru, ajaunos aisukunyununeta nuipe adepar elukumit anatar akwap kere. Uh-huh. Aisukunyununeta elukumit kes alomutu kokau kanen. Aso erai cut Ejakait aitetenikin eong ani kotoma kangun iburai alosit mamake, ido anyoika nukiswama. Erai bon sio agongakina mamaKe. Mam jo tikipedo ayangaar ngun kere. Mam ijo ipedori ayangaar akanyikauni arai atomon kakesi kamu arai ti kokote jo, kotoma a-kotoma naileleba...arai caat erai jo alosit akuare adiopet ne kosodi akuare adiopet ngina, ido erai ngin...ilipitosi kesi ti korai isabitin iarei ka isabitin iuni, kopone kangol, araiboot aojau kere naipedori ijo asalakin, araiboot ice kakesi ebalasi, "bon kwape ingarenikinio Ejakait," ido-ido kere kopone kangol, aso mam do jo ijeni ejok cut ebe ageun bo kakai arai nunyoika bo nukiswama. Aso kijai cut isio kipesikinit ngun akonyen nuka Ejakait, atemar, "Kwana, kolimokinai isio, Papa Lokokuju." Ido kingarakisi yesi eong ailip kanuka akirot kana, teijo, kingarakisi yesi eong ailip ebe kapedosi isio angetakin nu.

17 Ido abu eong kaomoom, akaulo na ajaun ka aijaanakin naka aitungale Nasabiti naatubor, acepak do Nasabiti na arai bon kiyanga oni aisianakin kasodete ayangaun ngun kuju cut ido aitoduun inyo-nanyoin apak na oni...nekijai oni, inyobo-inyobo-inyobo-inyobo alosikinet naka aatenak auni naka aitemonokinet naka Edeke ageun eringa kepesikina apetetait naka akwap, kasodete ayangaun ngin toni lolo, aitemonokinet naka aatenak auni naka Edeke, aitemonokinet ngin. Ajai kwana aswam atutubet nakiuniet naka ngin kwana, aisideleleun Nuiwadikatai, amoun kesi ka aibwanakin da toma aiboisiokec.

Kwana, kaanyutu oni, ketuluroto akwesiwok kanu apak naedit.

18 Ejakait Yesu, Ekecokon lokapolon loka anuk naka amerekekin, kitukokina isio akuare na ne KokiroriKon lokalaunan, loka asianut naepol kakere. Kimina isio Ijo, Ejakait, ido kimalat isio Jo kanuka airiamun na nakailip akuare na, kanuka ikososinei luka ekanisa kwape kiyeo kes kaiyalama kotoma otauonokosi, ido-ido kipou keirasi kes kwape ajaatar alomun toma, ibapete akanin. Kosodi konyet kipou isio kakukokinos kakungin kosi ido kipou kere kabukosi ikositaun mamaKon, kasodete aimala Jo kanuka ngun nuiswamat Jo kanukosi, ka-ka ailip da Jo aiyatakinit aup ka sio.

Aso kwana do adol esawa kanuka asiomunio naka Akirot ido kanuka ibore yenebeit alimonokin, mama ejaasi itunga. Kiteten isio kotoma aomisiokosi, wu Papa, kosodi adumun aibuses. Ido kiner ibore akure na, kotomakosi, yeningarakini isio kere anyoun alomar kinga kane nepepe kalosikinet kotoma otuonokosi aijar ejok itia ido dieKon itia ne kiiritor isio aswam. Erai kanukangun nges kijaar isio ne, Ejakait, kijai isio ne

ajenun nuyatakina nuikamunitos Ijo. Ido kilipit isio ebe ibuni Ijo angaikin isio Etunganane Kon ngol loepol kotoma apukokinio naka AkirotoKon, ebe tetere isio kijenuni epone lokiraunor isio Ikristayot yen-yenejok itia kosodi epone loibusakinitor aswam kotoma apaarasia nu nukawasia. Kilipit isio ngun Kokiror loka Yesu. Amen.

19 Kwana, aikwenyeka arasaki toma aiwadikaet kane naka Isaia, Isaia 38. Kasiomata oni lailo neejai Isaia 38.

Kapaarasia kangun kodekakin Kesekia nepetai atwanare. Koba Isaia okoku loka Amos mama ejai, kotema nges atiar, Ebala Ejakait kwanata ebe, Kitemonok ekonitogo; naarai itwani, mam ijari.

Kosodi Kesekia aibelokin akekonye arwatat, kilip Ejakait,

Kotema atiar, Kiiitu wu Ejakait, kengaingait, kwape aloseneneo kakonyenekon kabait ka etau loeteni, keswama nuejok kakonyenekon. Komony noi Kese-...Kesekia akio

Kosodi koba akirot naka Ejakait mama Isaia ebe,

Kolot, kolimok Kesekia ebe, Inera kwanata Ejakait, Edeke loka Daudi papaakon ebe, Eira ailipikon, aany da akonikiyo: koany, eyatakini akonipaarasia ikar itomon kalukany.

20 Elipit kiyatak Ejakait arerengusioKe mama ejai asiomunio na. Erai akirot naepol noi kanuka aisiiraret na euriana kane, acamunit eong. Akoto eong anyara nges: Mam Edeke Enyarauni Itunganan Toma Atubokinio Komam Ber Ikwenyarit. Ido erai oni-erai oni-erai oni aikamun a-nuegeikinetete arai eketut kane, kotoma aiwadikaet na akuare na, Edeke ikwenyari etunganan eringa keyangauna ngol toma atwanareke.

Kwana, nginitunganan ejaatar kanu. Kipedori katicepak oni atemar atiar, "Eebo, abu ekesa lo kotwana komam ikwenyaritai." Mam, mam, mam. Edeke mam cut...Mam jo ijenuni nukejaas toma otau loka etunganan kangol, mam ijo ijeni nu lem ajaasi iswamasi kotoma aijarake. Ianyu? Mam Edeke eyangauni etunganan toma atwanareke komam ber egeunit aikwenyar ngol nukamunitosi ngin, alimokin ngesi, erai ibore, aitemonokin. Erai Edeke-erai lokapolon, ido Ngesi-ikungukungi Ngesi etau loka ngolitunganan, ainakin ngol arereng naka abunore. Aso, katicepak ipangari ngesi ngun awai kosodi aigir Ngin, kosodi-kosodi aimungumung akekou mama ejai Ngin ka alosit da awai, kobala, "Aa, erai bon aipup naitiekienaari, edaun ngin." Konye, karaida biai, kerai Edeke, Edeke inera mama ejai ngol.

21 Ido mam cut Edeke eyangauni atubokinio toma akwap komam ber einakinit itunga aikwenyaret. Mam cut Edeke iswamai idiobore komam ber elimorit ngun nuelosi Ngesi aswam. Ido einakini Ngesi itunga aseunet, ido ipedori jo-ipedori jo aswam nuejokuka arai nueroko. Eraasi ngun nuKeng...Teijo, mam cut Edeke epedori aijulakin eKe-eKeinono. Mam cut aitemonokineteteKe ijulakin kama ejai naabu Ngesi kogeunia, naarai erai Ngesi loemamei ne enangit aijeneKe ido aitemonokineteteKe ka aomisioKe eraasi kere nuitekooro. Aso, karai ti Ngesi aijulakin Ngin, ti ngin kitoduu ebe kebu Ngesi kiyatak aisisiaun ace. Aso, kwape loemamei ne enangit aijeneKe, mam bobo Ngesi epedori aiyatakin aisisiaun ace. Ake-nasoditiKe-aseuneteKe nasodit erai duc naitekooro, ido emamei cut ibore epedori aijulakin Ngin. Ianyutu?

Edeke, eringa cut etunganan kibwaikina...kiira apedor aswam nueroko, abu Edeke kibwaik ngol apetetait na epedoria acamun arai aigir, apedori ngol arai ti aijaun arai-araibo mam.

22 Ebe, kejaasi ber ngun da, arai ejai ekejaanakinan ngol toma ne, Onac Baker, acamunit eong ajai a-aingisingisio apaaran ya, kijaar eong ka aingisetake nuewadikat ngesi kanukang kanuikamunitos aur naka emun. Kijaar eong ka ngun eperete kokau kane kopekwana. Arai ejai ngesi ne, inyo nat, eebo...Mam eong aanyunit ngesi kanenidio cut kapak kana. Konye ejai ngin ne. ngesi ka mucaalakeng, etunganan loejok noi ka a-a aberu da, konye mam kes apotu kopedosi amisiikin iboro idis kanuikamunitos aisisianakin naka aur naka emun, epone-ebe...aingiseta adis nuikamunitos nuabu eong kenerite, ka-ka alimonokineta ace itia ngin, ido-ido ener nuikamunitosi a-apotikinio ka ace da kwangin. Konye eong...konyet do erai cut bala onac ngol, etunganan loejok noi, ikaru idis bon arai iarei adau erai Ekristayot, konye bon mam abu kopedo amisiikin, teijo.

23 Erai naeninik arai mam jo...ibusakinit jo agongakina neejai Emoyo Lokalaunan naarai Ebaibuli erai loiwadikatai kotoma aibukaanareta. Mam cut jo ipedori aiboikin kosodi aisiom Ngesi bala apapula naka iyemuto. Imunonitai. Eebo, cut. Opone ali ti kitojokia jo Edeke nabu kolimokinia Musa kokuju kangina, atiar, "Kwana, mam iswamaunete aputosia adis kere nuegerer," kotoma aicorakinetaKe, "sirijjo kiswamau idiobore kere yeneputos ka Akuj, edio-edio Emalaika, arai idiobore ice kere, mam iswamauni aputosia adis kere nuegerer," kwabo kapaaran kangipekangin abu kolimok ngol ainyongun Imalaikan iarei kelupe loka aisiinit ido aibwaikin ngul cut oicolong loka aitim, neejai aitim? Ianyutu? Ibusakinit ber jo ajenun Edeke ka EinonoKe eringa jo kepedoro ajenun AkirotoKe, Ngesi Elopset, ido Ngesi-Ngesi bon Ediopet loepedorit-loepedorit aiting Ngin ka apukor da Ngin, apolouke do erai Ngesi Bon ibusakinit apukor Ngin.

24 Kwana idumuni oni ebe EinonoKe kerai, kane, duc ber aikwenyar etunganan eringa atubokinio,

aikwenyar ateker eringa atubokinio, ka ice da kwangin. Erai duc Ngesi loeinakini aikwenyareteKe, aisiitikinet mamawok, naka araut lukiburao. Kirai oni lukiburao, ido ibwaikinit Edeke oni ne toma akwap kojaatar ka apeleikinet, ido apeleikinet ngin naibwaikinitor Ngesi oni ne, iburai Ngesi oni kanuka apeleikinet kangin. Ibusakinit jo alosit mamaKe kosodi aingitun ngun nuekoto Ngesi ijo aswam. Ianyu? Arai mam jo...

Arai ilosit jo aswam kanuka etunganan, kosodi ngesi ainakin aswam kaneipisere akituk, arai ibore ice, kosodi bon jo alosit ositowa loka anya kogeari aiboi kanen, kobala, "Eebo?" Teijo, ibusakinit jo alosit aingitun ngesi nuekoto ngesi jo aswam, kosodi do aswam ngun. Arai iswamai jo kanuka etunganan, kingitu nuibusakinit ijo aswam.

Dodo konyet arai aijarawok ka-kakwap kane, ibusakinit bodo oni alosit neejai Ngol Loabu kibwaik oni ne, ido, "Ejakait, inyo ca ikot Jo eong aswam? Inyo-inyo-inyo ibusakinit eong aswam? Kanukinyo ajaar eong ne?" Arai erai araut aberu toto naka ere, akelotan asaanin, arai erai araut...Kere nupe ekoto Edeke jo aswam, konyet do kismama jo ngun kopone loejokuna kakere loijenja jo epone lokiswamaet ngun. Mam ace arai edit biai, mam ace arai edit ngin biai, ibusakinit jo aswam ngun.

Ibala jo ebe "Eebo..." Ationis naka ngun nges nata, erai, nginidiopet kaoni ekot aswam epelu loka etunganan loetupakinit. Kikoto oni kere adakit emopiira, kwape kinerar oni, koany jo.

25 Kwape nat esawa loka akan lo kane, kwana, aiwotokinet adio naedit kere kotoma kanen ejai akeibois. Kwana, nginitutubet keng kere mam epedori araut akanin aanyunia arai erai apak anyoin. Konye arai kisobia idiopet kotoma akokoron ngun nudidik kotoma kanen, mam ngol epedori aidar apak naejok

Ido epone ngol nges ejaar kitunga. Oni kere, Akuan naka Kristo, ibusakinit ajaun toma aiboisiokec, kotoma ainapaara. Ianyu? Ido konyet kanen ipedori oni angolengole kasodete aanyun inyobo apak naka apaaran erai ngin. Ianyutu? Konye do ejaasi kereka akwapin ekotosi aanyun inyo erai ngin. Ianyutu? Ianyutu? Konye esesenete kesi yes. Ido arai irai ijo isipiring yenedit, esipiring lokapolon, arai ibore kere yenipe irai jo, kismama do jo epelu lokajokan kakere loipedori jo kanen.

26 Kwana, naarai kijai oni ka nuikamunitos ebe iburai oni abongonokin Edeke kacepaaran kanuka ngun. Ngolitunganan loabu kobu akwap na ibusakinit abongonokin Edeke kanuka nuikamunitos ngesi. Ido, mam ejaasi luipu kaoni, nukaraut ikengadan, ibusakinit oni abongonokin kanuka ngun. Oni...Nu nukikamunitosi oni erai aingada naaponi kijaikinae oni kanuka Edeke, mam eong apodo arai inyo ngin. Kwape alimunitor sek eong apak adio naatubor, "aberu toto naka ere," koraun bodo jo aberu toto naka ere nakabeit. Erai ngin abeit. Arai erai araut ekakorion, korai do jo ekakorion lokabeit. Ibore yenipe kere ebwaiki Edeke jo aswam, isingiditai jo ngun, ibusakinit jo abongonokin Edeke kanuka ngun, naarai eyangaikini iboro lu kere aswam ngun.

27 Aponi kolimokinai Kesekia akapanakin kosodi araut loekapakina naarai ebe kebeit ngesi airiamun ka Lokasubanike. Kwana arai Kesekia ekabaka, ido a-a arai etunganan loepol. Ipotu kereka yesi koanyutu aimonyoke kane? "Ejakait, kengaingait eong Jo kiitu eong. Eong-alosenen eong kakonyeneKon ketau loetenit." Ajenanut bo ngin mama-mama-mamawok lolo, ido ibusakinit korai, etunganan lo elosenene kakonyen nuka Edeke.

Aponi da atwanare kimarakinae etunganan konye do abu Edeke kijulak aomisioKe kanuikamunitosi ngol, naarai akoto Kesekia aswam ibore mutan kwabo abala Edeke ebe "abuni Ngesi ainakin oni nuipuda etauwok." Kwabo kedolunit apak naka Kesekia, ido ngesi-ajaatar ngesi ka engoti mamake, arai ibore ice kwangin, ido anyaritosi kesi ngin ebe "abus" kotoma apaaran kangin, konye kijeni oni ebe mam duc abusion idila aiar jo, engaleunete kesi bon. Konye kerai katicepak engoti, ido kebu kobulor bala abus. Kosodi-kosodi Edeke alimokin Isaia, kobala, "Kolot laingol ido kolimok ngesi ebe elosi ngesi atwanare." Kwabo ajai Kesekia ibore yenakoto ti ngesi aswam ber. Ajaatar ngesi-ajaatar ngesi...

28 Na ingaingaia jo Edeke kanuka idiobore, ekoto kojai akirot naibusakinitor ngun. Eputosi cut ka Naiwadikatai na naidila duc eong aijulurat, "Arai kilimok ijo erongat lo, 'Koukor,' kwabo komam ibuonokin, konye kiyuunite ebe ngun nuinera jo itodolikinokos, ipedori jo adumun ngun nuinera jo." Kwana, erai ngin kere naigaligalit alosikinet ka apeleikinet, teijo, arai kemam mam iswamaun. Ianyutu

Mam cut ijo ipedori alomar kinga nen...Erai nen ibucanariata luipu kaoni, nges alomar kinga ido atemar atiar, "Kwana alosi eong aitodikin yes ebe kijaar eong kaiyuun nakiswamaet nu." Kwana, ibiroro jo kageunet ber da. Mam Edeke kiinakini yes ainakineta kanu aboliar ngun.

Kwape sek abalar eong apak adio naatubor, mam Ngesi kitodikini jo aitapoeta kanu aboliar ngun. Mam ngin erai ibore yenibolias. Erai ngin nakalaunan. Kitwasam ngin bon kotoma...kwape ecamakinia Ejakait jo. Korai eenat mamaKe. Mam akiro arai etia ai ijo ikoto alimokin ekesa ngol ebe ibucarit ngesi, ido inyo ibore ngin, yii arai nginice yii, kopala kiton naetemaria Edeke kwangin. Dodo konyet ketema Edeke ebe kwangin, ipedori do ijo abunore kede EBALA KWANATA EJAKAIT! Kiton ngun, kimurwokis nuikamunitosi ngin.

29 A-akwapin lolo eputosi cut kwape ajaar Kesekia kapak kangin, erai naadaun aikwenyar. Ido kereka, kwana, mam cut iboro lu etakanunete kanuka-kanuka arereng. Ejaatar kesi kere ka ibore yenejai kaukec.

Kwana, Kesekia, korai loadeka, kojaatar ka abus na, mam ngin arai kanuka arereng. Abu Edeke kiyakia Isaia ngina kosodi alimokin nges aitemonokin eketogo naarai alosi ngesi atwanare. Ido abu Kesekia komony, kosodi alimokin Edeke, "Alosenen eong kakonyeneKon nepepe ketau loedolit ido eong-elipit eong Jo aitim ber eong naarai ejai apeleikinet, apeleikinet nakajokan, apeleikinet naka Edeke."

Abu Edeke kolimok enabi, kobala, "Kobongo ido kolimok nges."

30 Kwana mam tope ngin erai naitegelikina? Arai Kesekia etunganan lokapolon kakere kotoma akwap. Ianyutu? Arai Kesekia ekabaka, ido arai etunganan loayongit Edeke. arai ngesi etunganan loteni, arai abu ngesi kingainga ngun kama ka Edeke kwabo mam Edeke abu kitoron ngesi kanuka ngun, "Alosenen eong kakonyeneKon nepepe ketau loedolit," kwana erai ngin nainera ngun adaun kere. Ianyutu?

ido mam Edeke abu kotema atiar, "Mam, Kesekia, mam jo ibu kiswama ngun," konye abu kocam ebe iswamat ngol ngun. Ido kobala Ngesi, "Alosi Eong a-alosi ber eong aitim akonijar aiyatakin mot ber." Ianyutu? "Alosi Eong aijaikin jo nuilipit jo," teijo, naarai kerai ngesi etunganan lokedolit, kerai lem ngesi ebulesit a-a loteni loka Kristo.

31 Konyet do kipupi oni ebe kijaar oni kapedor naka aingit ibore arai-arai erai alosikinetewok naedolit, kosodi konyet apeleikinetewok mama ejai ngin.

Kwana, kiseseni oni lolo ebe adaun ikar luipu luatuboros, ti eong katema adaun ikar itomonakany luatuboros, kiton luedeparete nen, ebe ejai aikwenyaret idenyakinitali anatar ateker kere, "Kitoronikinos, araimam imudiaros!"

Koanyutu yesi, ajai eong lolo adilokinit ener neejai mucaalaka atupuruc na, ido eong...sekisek kinyami lukatupuruc, kijai isio iboie komesa kenerasi eringa eong kenyouno. Katema eong atiar, "Mucaala..." Enera ngesi nuekamunitosi Billy Graham, kosodi nuekamunitosi mucaalake, cut epone loeraar lopeduc ka nginibore kere etamitotor kesi ajaria. Katema eong atiar, "Ngol nges ebulesit loteni naetamitor ngesi mam...na ngesi...etunganan epedori acepak aiswamaun imilionin iarei arai iuni ekaru kokinga kangina kotoma airimonoretake, konye mam ngesi ijauni ngul, erai apetetaitike nges eyangaari ngul, ibwaikini ngul ainyakakin toma aswam ngin ka aweanaria akiro koredio, ka iceboro kwangin. Ido Billy edumuni bala ilukumin bala akaisaarei-kikany ekaru."

Kobala ngesi, "Opone ali epedoria ngesi aitwasam ilukumin akaisaarei-kikany ekaru?"

Katema eong, "Ngesi-eyangaari bon ngesi luipuda ngesi, kodaunos ngun. Ejai ngesi ere loibusakinit aitac, ka nginibore kere." Abu eong keyatak alosit akonye, kasodi atiar, "Ejaikinit eong ayongio naepol noi mama ejai Billy Graham," katema eong, "naarai ebe ejaatar ngesi ka aisiiraret, ido aisiiraret ngin nges aitoronikin."

Kosodi konyet, kalimok yes, emamei itunganan yen ajeni eong, ebe kotoma akwap lolo, yenitwasamat Edeke nepepe kaisiiraret ngin bala Billy Graham. Oo, ejaatar ngesi kangin ibecokino cut, ido bon ebwoi ngesi kanen kosodi, apeleikinit eong, iworot ngesi politicians ngul ka imeeban luka ekanisa aitoronikin. Konye nen bon nges neenangit ngesi elosi.

32 Ido kane kobuni Onac Oral Roberts, ebulesit ece loka Edeke loepol. Kwabo emamei idiotunganan elomuni kokinga kanen kosodi arianakin ka Oral Roberts. Aiting ngin bala na ekingok lokapolon na bon-na bon airenge imoyon lukaronok ka aiwone Ekiror loka Ejakait ka-ka atironorio naedit, ka ace da kwangin, nuikamunitosi aitangale naka Edeke. Erai cuticut ngin nakabeit. Ejai ekiyakia mama ejai Pentekosit.

Ejai ekiyakia mama ejai ekanisa akwapin nuka idiinin, teijo, kosodi akwap naelilim.

Kosodi konyet angolengole kotoma aijaanakiniwok naedit napetai, ebwoi "Yesu Kristo ngopengol bian, ka lolo, ido kiton ikar kere," teijo. Inyobo iswamai ngin? Enyarit ekodet ngol loka Ateran, teijo. Ianyutu? Koany, enyarit ameun kama ka ikodeta ngul kere. Euta alemun akokoro kotoma akokoro. Ianyutu yesi nuapeleikinit eong?

33 Konye kereka itogogongit Edeke aisiiraret ngin naelimonokini Billy Graham. Itangalei Edeke ikadekak kanuka ailipasinei nuka Oral Roberts. Ido itolomunene Edeke iboro luabu Yesu...itogogongit ebe Yesu Kristo ngopengol bian, ka lolo, ido kiton ikar kere. Ido ejai aiworo iboro lu...Aisiiranaretake nuka esawa. Ido nginidiopet kotoma aisiiranareta ngun euta aiworo, "Kitoronikinos, araimam imudiaros!" Erai ngin naedolit. "Kitoronikinos, araimam imudiaros!" Emamei cut amuno, adaun ngin cut kere. Akwapin erai nuikwenyaritai kanuka AbunoreKe. Nginiidiopet kotoma aisiiranareta ngun inera ido ikwenyarit kanuka Abunore naka Ejakait Yesu, airotarit kere ekanisa loka idiinin...

34 Kiitunitos, ejai Edeke duc kotoma iunieta. Bala Papa, Okoku, ka Emoyo Lokalaunan; kwangin; Ejai Ngesi kotoma iunieta.

Kwana, Edeke nges aisiiraret ngin naka aitoronikin mama ejai ekanisa loka ekiror bon. Ejai Edeke toma aisiiraret ngin naka aitangale naka Edeke mama ejai ekanisa loka Pentekosit. Ejai Edeke toma aisiiraret mam ejai Ateran. Ianyutu? Aso kidumuni oni ebe kesi kere iworote, adiopet ne, na mama ejai ngin, kosodi ngin mama ejai ya. Edeke iworot Ekanisa alomun kinga kotoma akwapin; e...aiworot ekanisa lokekiror bon toma Pentekosit; kosodi aiworoun Ateran alomun kinga ko Pentekosit. Ianyutu?

Bala Luther, Wesley ka kwana. Teijo, eraasi cut kere nuitupusitai ejok ido emamei aibucaret kanuikamunitos ngun. Enomonom eong ngun airimor kere angeseta nuka ngun, ka osiepion luka ngun, kosodi toma ka kinga da naka ngun, kasodi aitoduun ngun kanuka Nuiwadikatai, aituputupeta nuka ngun, kiton oni ajenun ebe eraasi ngun cuticut Abeit. Ianyutu? Emamei aibucaret. Nasabiti elipit eong kitoloma Edeke ngun kaidules noi kwangin ebe mam cut yesi ipedorete aikunyakini awai kama ejaasi ngun. Ianyutu?

35 Kwana, Edeke einakini aikwenyaret, "Kitemonokinos kanuka atubokinio." Ejaasi iboomun luka atomik aduketa nuidarere, nginibore kere esipo kokapakina. Ido Edeke, eringa kecamakina ibore yen atakanun, ejai ber Ngesi aitor toma aiworo, kwape abu kiswama ko Sodom, "Kolomutu kinga kanen. Kokapakin. Ejai ibore yenelosi atakanun."

Bala kotoma apaarasia nuka Noa, eringa Edeke kijukunia akipi kanu amudiar akwap kotoma akwapin ngun nuka akalele nakapolon nukopotu kocietaros toma adiakar, kwape abalar Yesu itacaunit ebe kerai ngin apaaran nakeputosi ka na. "Kwape ajaatar kotoma apaarasia nuka Noa, kwape kwangin ejaunotor kotoma abunore naka Okoku loka etunganan." Epone lo ebe angor araun nuemumu, ido-ido kodukonokinos ka ainanakinio da kotoma odukone, ka-ka nuapedor aswam nuepolok nuka sayanis, kosodi lukacobeu luisisiatos elomarete owaitin lukaijen naka adam, kwabo kojai Isipan yenididi yenitasiono iboie kowai ediopet idarit atubokinio ka aiku. Ido eringa Edeke kijukuna atubokinio ngin, abu kiyakiu enabi. Um-hum.

Kwape cut abu Ngesi kiswamakinia Kesekia, kobala, "Kokapakin, naarai ekapakina itubesia adoun."

Ido abu ngol kisikapik itunga kanuka apak kangin. Abu Noa kisikapik itunga, ido kerai aiworotoi naka aitim eringa atubokinio.

36 Aponi kitijenikinai Ninibe eringa akecepat. Abu Edeke kosesen kwap neajai Ninibe, ido kotema, "Eong-adekakin Eong cut ido keteg Eong nuka iboro kalu." Eong-Eong-ajeni Eong ebe-ebe e...karaida akwap naka Imo ngin nakapolon, akapirit...Eibuga kec, kwape kolo ajaar kotoma apaarasia kangun, atubokinio kesi ka Eibuga; kwana erai ka atekerin, kwana akaulo na itunga akorar kopone loakorator. Kobala Ngesi, "Eibuga ngol lokapolon ainakin do cut, kere, toma adiakar."

Kosodi Edeke, eringa Ngesi kijukuna atubokinio, abu Ngesi kijuk aisiiraret naikwenyaret, "Kolomutu kinga kotoma kangun! Kitetenaaros!" Kosesen, mam enabi abu kolimu idiobore kilema-kilema adumun...Kobala, "Kotoma apaarasia akaisaongon emudiario eibuga lo."

37 Ido, oo, epone lo kacepakio eninikar aswam iboro kwa kangul, alimokin itunga. Arai mam enabi ecoit, elomari ngesi toma ationis, naarai emina kosub ngesi bala egongar owai ediopet, atamit aitapatan ngun, araiboot aijal ace adis kanen kanuka acamanar. Konye enabi lokabeit ejaatar ka aicorakinet kama ka Edeke, mam cut ibusakinit aijal idiobore kanu acamanaror, ibusakinit ngesi cuticut apesikin ngun cut okokoro.

Erai kanukangun nges abu Ngesi kitwasama emoyo loka Eliya noi kwangin, teijo, naarai ebe emoyo ngol arai duc loiswamai aicorakinetaKe. Ianyutu? Koany, ayangauni ngol aicorakinetaKe korai becebec cut nuaraasi Ngun, ido duc kerai "Kobongutu neejai Akirot!" Ianyutu? Kerai duc ainyakun kesi neejai Akirot.

38 Kwana, kidumuni oni Ninebe kotoma adiakar. Kwabo ajai ber enabi isikasikae naarai kerai ngin akwap naka Imo, teijo, kerai ngin ateker naka Imo, Itunga Luumo; mere lukeng obe, mam ngul keraas Iburanian. Keraasi kesi Imo. Ameeri naepol, edoket loka angolol loka aisubis nges kerai Ninebe, ailok lukecor nges aswam ajai nen, alokete itunga lukecor. Ido-ido kesi-ajaatar kesi...ibusakinit kejaatar ka akwap nakepol adiakar kanen. Isirigin luipu; ido-ido ne ipu isirigin, ido kojaasi itunga toma akiro nuejenaara nuka apaaran kangin, ejai duc adiakar alomun toma, ka amumu.

Apotu ngun kopasata Edeke. Aso ajaatar Ngesi ka enabi kotoma akwap, aso abu do Ngesi kolimok enabiKe, "Kolot kijesar ngina Ninebe kosodi kiworo, ido kotema atiar, 'Kotoma apaarasia akaisaongon bon eponio amudiar eibuga lo.'"

Kwana, abu Yona koomoom kwana, "Ijeni jo, amina eong kaloma toma ationis." Aso akoto ngesi kojenu ejok cut itia, aso abu ngesi koomite ti ber alosit aiyengun ber mot kosodi-kosodi alosit Tarusis. Ido kipou oni kadumutu ebe e...arai bon apaarasia akaisaongon edeuna. Ianyutu?

Aso erai Aisiiraret naka atipet, aapu apak. Siribolia kiceboro ebe adumun edigiri loka Bachelor of Art ka adumun da ibore icie. Aapu esawa! Ngin nges ationis naejai otunga lolo, kijai oni atamit aiduk isomerioi lukapolok ka ajaut da kiboro luepolok bala ngul. Kwabo aitim...Ikatuan! Arai kilimonokini oni Abunore naka

Ejakait, inyobo do kipuda oni nepepe kisomeri? Kipuda oni aitoronikin mama ejai Edeke! Ianyutu?

39 Bala kwa abu Hudson Taylor kolimokinia ekiyakia ece ekatumunan, abala ngesi...Araiboot, abu etelepate ekatumunan loarai Ecainat kobu mamake, kobala ngol, "Ejkt. Taylor," kobala, "eleleb Ejakait Yesu eong kede EmoyoKe." Kotema, "Eong-eyalama eong noi!" Kobala, "Ibusakinit kereka kwana eong ayangaar ikar itomon kasodi adumun idigirin kang ka ice da kwangin?"

Kotema ngesi atiar, "Okooka, mam idari ebe idigirin. Mam. Iraun jo loinokiarit atutubet eringa jo kengetakina, nepepe kidigirin kon."

Ekoto oni, naenokia ngin, arai emame bobo ibore ice yenijeni jo, kolimo do bon epone loanokuunia ngin. Ido bon-bon sirikitam ayangaar aiboisit naka icetunganan, arai aiboisit naka icebore. Naijenunia jo ngun, kolimo bon ngun nuijieni jo ebe erai Abeit, "Epone loabunio Ngin mamakang, ido epone loabu eong kapupunio kanuikamunitosi Ngin." Erai ngin...Arai mam jo ijeni nuedeparitos ngun, kolimu do ngun! Kalototo ber oni! Erai Aisiiraret naka atipet, aapu apak.

40 Kwana, idobo arai ketema Isaia, "Eebo, kwana edareikini eong kasodi aanyun epone loejaunor ngesi kanuka abus kangin, ber, teijo. Aanyun arai epone-epone lo ngin...?"

Koany, abu Edeke kolimok ngesi, "Kolot ngina ido kolimok ngol, kopekwana!" Ianyutu?

Ido abu Ngesi kolimok Yona alosit. Oo, ikatuan!

Ido nadolio ngol kinga nen toma angolol ngin ido toma angolol ngin naedul, kosodi-kosodi kobwou ameeru ngin kotoma okwam, ido abu koraun kesi aikiar ewema kosodete aibelonokin bobo ido bobo, eumokinitos kesi inyobo akiro adoikinitos akwapin kokinga kangina. Konye mam kesi apedorete ajenun, asubit bala alosete akipi ailelebun abore ngin. Ido-ido ajai ngolitunganan iworoi ekedeke, ido ibore yenisodit ijeni o...ajai kereka Yona toma aiyengun keng, aso abu ngesi koomoom bala ejok ber ngesi ajotoor, ido iburai kebu ngesi kijesar agola nakokwap kameeri, kosodi aper kanen kikeuna akekeje, ejotoi. Ido kotema atiar, "Kokwenyu, O ijo loijotoi, kosodi aiwone Ekonideke!" ido ajeni Yona ibore yenarono.

Kwape kwangin da ejenia ngolitunganan inyo erono lolo! Ianyutu?

41 Ido kobala ngesi, "Erai aibucaretaka. Koyangasi eong koenata akakanin, kosodete acakakin eong toma angolol, ido ebuni ationis na adaun." Ido keraasi kesi itunga luasubitos bala ikesa-luiyapaara ido mam kesi akotosi aswam ngun, konye apotu kesi kodumutu ebe arai ngesi enabi ido ajeni nuenera ngesi. Kotema ngesi atiar, "Eong-aomit eong ti alosit aiyengun ber, konye-konye mam Ejakait ekoto eong alosit aiyeng na. Iburai do kwana eong alosit ngina, ejai eong epelu loebeit aswam. Aomit eong ti ber eyengunit apak edit eringa keloto, konye ibusakinit do eong alosit. Erai-erai aisiiraret nakatipet, ibusakinit eong adolore ngina."

Enomarit ti eong, nakilikoria yenikecor ngin Yona toma akoikike, kebu kibelokin kane etei kosodi kipakanari akipi akwap kere, kosodi akukunyaar alosit Ninebe kagogong kere cut kwape tikepedoria alosit. Ajai Edeke ayangaar aisiiraret ngin ngina kotoma ibore ngin yenikecor yenetemokinitai. Ido abu ngin kolot ekukunya abear Ninebe kagogong kere kwape tikepedoria, naarai ngesi-ajai ekiyakia tomake ido ebusakinit nges ayangaar ngol ngina. Kebu ngesi koyanga ameeru namam arai naebeit, konye kedaunit Edeke aijaikin ameeru kanukeng.

Aso; ijenete yesi, epedori Edeke aswam iboro luepolok arai cut kiriimarit oni Ngesi. Ianyutu? Ngesi-ebuni Ngesi aismamaun erot kanemamei erot. Erai Ngesi Erot. Ianyutu? Ido naeraar Aisiiraret nakatipet cuticut, kwape eraar Ngin lolo, ijaikini Edeke erot.

42 Kianyuni oni bobo na Amos...Abu eong kalimonokinite nuka ekesa kalo, Amos. Arai ikoto jo aisiom akiro ngun kacepak, eraasi nuepolok, kosiom ber jo akiro nuka Amos, esula losodit loka Amos. Erai ngesi aitupuset ace naka a-aikwenyanareta eringa atubokinio kinoma aronis. Kwana, eibuga ngol loalosi ngesi aikwenyar, kalaingol kanen, kerai ekodet loka Iyudayan lu-lu kepotu kere kopaasi awai kokokoro ngol loikusaunitai ido kebu koraun ariamiriam naka ikelatok. Ido-ido enomarit eong, kwape abu kainakinia aitetemunet atupuruc ngin, enera nuka ngol, ebe, nakikeunor akekou ngin naka epata kokuju naka erongat kosodete akekonye ngun adiikinio kwape asesenio ngesi kwap kosodi aanyun adiakar naka ateker ngin naepol ka itunga da, epenekike lokakwangan kojai ngesi iminimini ngol kopone kangol. Ikatuan, ibore bo yen! Konye emamei idiotunganan yenajeni neebunitor ngol.

Emamei idiotunganan yenejani inabin ngul, enyounete bon kesi kanenice ido elosete kopone ngopengol.

43 Konye abu ngol koloma oibuga nepepe ka "INERA KWANATA EJAKAIT! Kitoronikinos, araimam imudiaros! Naarai elosi Edeke amudiar ateker na. Elosi Ngesi-elosi Ngesi apiar aibois na alemar kakwap. Icamanaros yesi ka lokasurupikus. Ido yes-ido yesi inapakina, iwomitos yesi, ka lokasurupikus, konye apak kere ejaasi Assyrians e-etukonokinos kokinga kangina. Mam yes iarei ipedorete aup nepepe dimikito

arai icamanara. Kesi ngun bon." Kwangin abala ngesi...

Ido kereka ekoto Edeke oni atiakun ikulepek. Ekoto Ngesi oni "alomun kinga kotoma akwapin," mere atamit aijar ka akwapin ka Edeke da, mere aputoorit akwapin ka Edeke. ibusakinit jo aijar kanuka Idiopet yen arai yii, ibusakinit jo aiyuun Idiopet arai yenice yii.

44 Ido kidumuni oni ebe, Amos lo, abu teniteni cut kodwarak atubokinio mama ajaasi itunga lu dimikito kitoronikinos kesi. (Ido-ido, ikatuan, ibecokino ngun cut ejok noi-noi ka apaaraniwok.) Aomit eong eibuga lo loepol, kwape angoliar kau toma kana bobo, eibuga ngol lokapolon kokwap kangina, epone lo ebe ainakina kere cut, ido-ido akerianut naepol nakejaatar kesi naka nginibore, akeriaaka. Ido aomitosi kesi ebe ajaasi cuticut toma akote naka Ejakait, naarai akeriaaka kesi. Konye apotu kesi kojenu konyet ebe mam Edeke erai duc ekagean loka akerianut. Mam, Edeke...Kacepakio naedounio akerianut, erai duc ekanisa loidila aikunyakini awai kaneejai Ngesi.

45 Ijenete yesi, abu Edeke kinerite nuka Isirael kadiopepak, abala, "Abu kadum jo imodokok aokot komanikor, kasodi eong ailongar jo ka ayangaun da jo toma," araun iKekoku Obe. "Doodo naipollooror jo, koraun da aberu aatumunan naatemel, ibu jo kimalayaik." Kobala, "Ijo-ijo-ijo ibu cut kijaikin alopet mama ejai ikaloton idio kere korot." Ianyutu? "Konye naicanar jo ido kipuda, naijaatar jo ka eipud, ibu jo kijaanak Eong. Konye naesirerengio Eong jo kasodi ainakin jo luipu, kogeuni do jo aikunyar awai kaneejai Eong." Ido eraasi cut ngun nuetigogongoor araut kopone kangol. Oo, ikatuan!

Kwana, kidumuni oni ebe abu enabi lo kinom ateker ngin teniteni, Amos lo. Arai bon ngesi etelepata loarai ekakorion. Konye kidumuni oni ebe naabu ngesi kiswama ngun, ainomakin kwap kosodi alimokin kesi nuapote ajaun, kosodi alimokin kes arai mam itetenaaros kaneejai Edeke ebe lokasurup lokepotu kesi kidicakinotor nges abuni araun cut loabuni amudiar kes.

46 Kwana kidumuni oni ebe Amerika wok naepogana mam cut ebuni aiku anyunyura naka Edeke. Kwape abu eong keneritor apaaran adiopet ageun najauunor eong ne, acamunit cut eong ebe arai ne, nuka nginibore adol awasia. Ijenete yesi, eong-eong mam eong aseseni idiobore yenidukot mamake. Mam jo ipedori aiduk opolitik, adaun nen. Mam jo ipedori aiduk toma aijar naka aimor nepepe, naarai erai naetolitoli noi. Ejai nen-nen-emamei ibore ipedori jo aiduk kanen. Kwabo mam jo ipedori amunokin ibore yenemamei.

"Biai bo do ekanisa?"

Eebo, mam ibore ipedori jo aswam nepepe ka ekanisa, erai noi lokaput bon ido adaun, emamei ibore yenideuna. Adautu ngul agwelar apedorikec nakapolou kanuka emangor, ido ejaasi bon kesi idaritos atubokinio. Adau Emoyo Lokalaunan airiikin ateker na, itodiarit aanyunetaKe ka nukaumokin, ido idenyakininos kesi kopekwangin agirit asianutuKe. Ngesi itodiara Elopeta kwape lokabeit ido itogogongit, kanuka aitodiareteKe ngin naepol, ebe erai Ngesi Akirota naka Edeke itodiaritai kotoma apaaran kana. Kwabo eringa kesi egiritosi Ngol kwapekwangin. Ianyutu? Emamei bobo ibore yenideuna kwana. Mam duc jo ipedori aiswamanakin Edeke ngun. Ianyu?

47 Mam ace, kidumuni oni, nasodit ber, iyakiuni Ngesi inabiniKe nepepe ka aikwenyaret. Mam Ngesi ijulanakini eKerot, eponeKe lokiswamaet iboro.

Mam duc Ngesi inomi kapak naikwenyaria Ngesi. Akoto eong yes asesen atakunet na. Ijaikini Edeke aikwenyaret konye mam duc Ngesi inomi kapak ngipengin naikwenyaria Ngesi. Ipotu tope yesi koanyutu ngun? Konyet do namam Ngesi inomia kapak naijukunia Ngesi aikwenyaret, ekienare do enabi, "Kimameotor jo ka Ngin. Ibu jo kiner nukaingal. Ijo-mam jo irai loidolit."

Ebe, ibore ngipengin acepak aponi kinerai mama-mama neajai Isaia. Iwomit jo anyoika nuaomit etunganan ngol naalosio ngesi adokar ngina kosodi aidwar ebe ekabaka "alosi atwanare," kosodi abongun kwap ido kobala, "Mam, elosi ngesi aijar"?

48 Idobo Yona elosi itorit orotin, kobala, "Oo, elosio eibuga lo amudiar kotoma apaarasia nuetia nen, apaarasia akaisaongon," Ido kereka mam Edeke abu kiswama ngun?

Teijo, ibusakinit jo acoit, mam duc Edeke inomi kapak naikwenyaria Ngesi. Konye Ngesi...Ejai ibore idiopet nen, ekienare do enabi. Konye arai erai ngesi enabi loitogogongitai kwape loka abeit loejaatar ka Akirota naka Ejakait, teijo, aanyuneta nuka Edeke, itodiaritai, kwape abalar Edeke aponio aitodiaria enabi (lu da araasi ikiliok lu), teijo. Akirotoke mam erai nakeng, konye naka Edeke, ido ebuni aitodolikin. Ibusakinit Ngin aitodolikin arai erai Ngin Akirota naka Edeke. Ejai ibore idiopet bon yenepedori aitikokin Ngin, nges aitoronikin nakatipet.

49 Koany, Amos, ngol-abu kojar toni aanyun akedwarasit. Konye naenerar Amos nuka eibuga kangol epone lo alosioto atakanun, epone loalosio Edeke aijaikin Isurian aponare alomun kosodete aikamar kesi, ka ace da kwangin, ido epone loabunio amunaarikec kikulepek anyamar kesi, kanukinyo, eyuunit eong ebe arai edolit, kwana, ajai eong asesen Naiwadikatai, ido arai emarit eong na ejok, erai bala ikar akaisakany

akaulo na Amos aidwar. Doodo kwana, anyoika iwomit jo? Abu atur adiopet kere kotubor eringa ngun nuadwarit Amos kitodolikino. Konye arai kisiom jo kane, kilimokini jo, ido abu ngin kotakanu cut becebec akirot ka akirot ngun nuabu ngesi kiner. Teijo?

Abu Yokana koany Eitabo loka Apukokinio. Mam abu kiswamaun kotoma apaaranike. Konye kiseseni oni ngin euta aitodolikin becebec. Ianyu?

Abu Daniel kodwar nuka apaaran, nuka apaaranike kosodi kere kiton. Mam cut ngesi abu kajar aanyun ngun. Kobala Ngesi "Kolot ma jo, Daniel. Kipucak eitabo-eitabo, ido-korapak eitabo. Ido ibuni jo ajotoor kotoma kanakibeit jo, konye kapaaran kangin ibuni jo aibwo." Ianyutu?

Kwana, kosesen jo, e...mam duc jo...Edeke...inomi katipet ngipengin naedwaria Ngesi. Nuadwarit Amos, kwape abalar eong, abu koraun ikar akaisakany konyet ekaulo, kitodolikinos. Konye abu kitodolikin!

50 Kosodi konyet enabi ngol erai e-erai e...loka Ebaibuli...Loteni, enabi lokabeit erai etunganan loitegelikina. Mere "aitegelikina," araut loegelakina kama ka itunganan ice, konye ejaatar ngesi ka epelu loitegelikina. Ianyutu? Ido ejaatar kayakian naitegelikina, ibusakinit nges korai loitegelikina (motimot kinga naka epitene loka luce) tetere iswamai ngun.

Erai cut bala Edeke elalakinit inabinoKe araut "emorukalet."

Kwana, emorukalet erai ekwenyit loitegelikina. Erai bon ngesi ekwenyit, konye erai ngesi ekwenyit loitegelikina. Ido epedori ngesi aporor aidir kuju adepar lucekweny. Epedori ngesi asesen neelwana adepar lucekweny. Ido kereka, tetere aidir kuju noi, ibusakinit kodukitete ngesi opone loepedoria aidir kuju noi. Ido anyoin bodo ajokis edumuni ngesi alosit aidir ngina arai mam ngesi epedori asesen nuiswamai ngesi akaulo ngesi adokar ngina? Ianyu? Kanukangun ibusakinit ngesi araut ekwenyit loedukitai kaitegelikina. Ianyu? Erai ngesi loesubit bala ejai toma-okale loka igolei, erai ngesi "ekaraan kede akituk." Ido enyami ngesi e...luipu kakesi eraasi icurai. Ejaasi nepetai iponesio akaisaongon luka imorukaalei.

51 Konye, koany jo, kotoma okanisa ejai ekecokon, ido ekecokon ngol erai etunganan loitegelikina. Edukitai ngesi toni neepedoria ngesi-neepedoria ngesi angirikin anguurian naka itunga. Ngesi- ngesi-erai ngesi ekebwokiton-alangiru, ngesi nges emong loka etiimu kangol. Ngesi-ngesi nges etunganan loepedori aiboikin kwap naejaar...naejaatar icetunganan kicebore yenesuruokinitor itunganan ice, kosodi aiboikin kwap nepepe kikaliala ngul luarei (komam eseari ewai) kosodi aitetem ngun ka ainyakun da ngun abongokin toma ajijim. Ianyu? Ngesi-erai ngesi ekecokon, ejeni epone lokitemonokinet iboro.

Ekalimonokinan erai etunganan loitegelikina. Erai ngesi etunganan loenokie bala emopiira loka akim. Ekeri ngesi toma oibuga kosodi alimonokin akeisiiraret, kolomuni ngesi kanen kolosi nenice bobo. Teijo, erai ngesi etunganan loitegelikina.

Erai ekesisianakanan etunganan loitegelikina. Iboikin ngesi kwap naka ainyonyoikinin naka Emoyo ido epedori alemunun Akiro kosodi aibwaikin ngun nepepe kanuka Emoyo Lokalaunan, ebe ekecokon arai ekalimonokinan, idio kangul, mam epedorio aitiirian ka ngol.

Kosodi konyet, kidumuni oni, ekiyaka erai etunganan loitegelikina. Erai ngesi e-erai ngesi "ekebwaikinan-toma-ainapeta." Erai ngesi etunganan loiyakiunit Edeke kanu aibwaikin iboro toma ainapeta.

52 Erai enabi etunganan loitegelikina. Erai enabi etunganan loebunokini Akirot naka Ejakait mamake, naarai iswamatai enabi kwangin (aijar) ebe apupetake nukomoyo ka apupetake nukakuan eyapianara noi nepepe kiton ebe mam ngesi ipuda ajotoor kanu airuja airujastike, eseseni ngesi ngin kokwenyi cut. Kwana erai ngin ibore yen erai Edeke nges iswamai. Teijo, eseseni ngesi nuiswamasi.

Enabi elingakini aanyun elwana noi, teijo, iboro lueponitos. Eanyuni ngesi eikopo loka anyunyura naka Edeke, ileleba, eringa ngol kilelebuna. Epedori nges atemar atiar, "INERA KWANATA EJAKAIT!" Ebuni Edeke amudiar eibuga lo dimi caat kitoronikinos yesi." Kanukinyo? Erai nges emorukalet. Erai ngesi loijeletoi kotoma kalaije. Ianyutu? Kwabo eseseni ngesi eikopo loka anyunyura ebukorio. Ngun kes eseseni enabi. Mam nges eseseni nuiswamasi kane, eseseni ngesi laije! Ebalala ngesi, "Ebunit ngin!" Epedori ngesi aidir kuju noi kiton neepedoria ngesi asesen etoolim ngol. Abala ngesi, "Ebuni akwap amutonoor-amuton ido amuton naejesi cuc." Idirit ngesi kuju cut neilesikino, ecai akolong kwana, eseseni ngesi etoolim ngol ebunit, ido ngesi-ngesi erai-inera ngesi nuseseseni. Mam ngun edolunitos ne ber, konye epote cuticut ajaun ne! Erai ngin nakabeit. Epote ngun ajaun ne, amuton naejesi cuc kotunga. Ejeni ngesi ebe ebunit ngin, kokaru luelwaka, konyeca eseseni ngol ngun.

Amos, enabi ngol loenyonyoikinitai loka Edeke, abu ngesi koany-amuton ka atubokinio ngin. Abu ngesi koany Suria ijesusnos ka amagalinikec kosodete aitor nen, aiar itunga ngul. Abu ngesi koanyu ngun epote ka atubokinio naka Edeke edoikini ngul, kwana, ikar akaisakany eringa ngun ketakanuna. Konye, koany jo, kwape araut enabi, aponi ngesi kodakarai kuju toma Omoyo ido abu ngesi koanyu ngun kama elwana. Ianyu? Abu ngesi koany eikopo ngol, ileleba, eringa ngol kilelebuna.

53 Bala Aburaam. Abu Edeke kolimok Aburaam, "Ebuni aurikon alomun toma akwap na kosodi aiboi kane adaun ikar akwataongon, konyet do abuni Eong aitolomun kes kakan nakagogong, naarai nukapali nuka Imorain mam ber ileleba." Ianyutu? Ajeni Edeke ebe abuni eikopo ngol ailelebun. Enerasi Ngesi ka enabiKe, abu Ngesi kolimok ngol kwana, "Iseseni jo eikopo ngol loka Imorain kokwap kangina," teijo, "konye mam ber ekecepali ilelebuna, Aburaam. Mam ilimuni idiobore yenikamunit ngun kwana, kopala ber, konye ebuni. Ido nailelebunor eikopopec, ido ikar ngul akwataongon, abuni Eong arukoria kes bala emaase kakonyenekon, ido abuni Eong asipokin aurikon ne toma akwap na." Amen! Ngol nges enabi loka Ejakait.

54 Kwana, nainerar ngol nuka aitapoeteke, arai erai anyunyura arai angaleun, emina kiyap, konye ibusakinit ngin aitodolikin arai inera ngesi Kokiror loka Ejakait. Ianyu? Epedori araun arereng ebe inera ngesi kanukon. Acepak elimokini ngesi jo ibore mutan, ido mam jo ipedori aanyun ngin nepetai da. Itemari jo, "Ikwaikini ai epedor? Kanukinyo, erai ngina...eong-eong-eong...Abu ngol kolimok eong, 'INERA KWANATA EJAKAIT, "Elosete nu atakanun, kosodi ebe alosete ngun atakanun," konye mam iswamauna. Ibiroro etunganan ngol!" Kwana kereka kitubokinio jo kanu mam aiyuun Ngin, konye epote aiswamaun karaida biai! Ianyu? Iburai ngun aiswamaun!

"Karaida kiyap ngin," abala Ebaibuli, "konye ebuni ngin ener kotoma apakike." Ebuni aitodolikin.

55 Ejai bon enabi eseseni neelwana ido itei ibore. Inera ngesi nuka ibore yeneseseni ngesi. Mam ngesi eomoomoi nuka ne ka epone loitakania jo kwana, eseseni ngesi ibore yeni ebuni ajaun. Ido nainerar ngesi ngun, arai ejaasi toma Akivot naka Ejakait, erai bodo naedaunitai ainerit sek ido emamei ibore kakwap kana yenedepori aitobwoun ngun (teijo, erai ngin nakabeit,) bon Edeke Elopset.

Koanyutu, kwana kidumuni oni ebe na...ngol-nainerar ngol aitapoeteke, enabi nges inera. Kwana, kacepakio inera ngesi iboro luejokuka, inera nuka aitagaleuniokon. Eebo ejok, ipedori acepak jo aomoom, "Mam cut epedori aiswamaun, mam eong atamakinit ber da." Konyet do anyoika iswamauni ngin? Erai ngin na iriuni itubesia luka Edeke mamakon. Erai ngin nakabeit. Ianyu? Abu Yesu kisumun aitajar jo arai kiyu jo Ngin; arai mm jo iyuuni Ngin, mam ngun-ngun kiswamaikinos jo. Ianyu? Ido ibusakinit jo acamun Ngin, ibusakinit jo aiyuun Ngin. Ianyu? Ido ibusakinit ijo aijen neebunitor Ngin, ngun kes kijaikinetete jo aiyuun Edeke, arai enabikon. Ianyutu? Ibusakinit jo aiyuun Ngin.

56 Kwana kidumuni oni kane, ebe inabin lu lueneraas, kesi-enerasi kesi ido nuapotu kesi kinerata apotu kitodolikin. Ido arai kebukokin anyunyura naka Edeke otunga, ejai ibore idiopet bon...Arai ketema enabi ngol ebe ebeit ibore mutan arai ice atakanun, ejai ibore idiopet bon yenitikokini akan naka Edeke, ngin nges aitoronikin. Erai ngin aitoronikin neejai Edeke, ngin nges itikokini anyunyuraKe. Kwana, siri kidareu ngin, kiswama ngun cut kapak kangipekangin! Arai kelimu Edeke idiobore, kiswamau jo ngun cut kapak kangipekangin.

57 Kesekia, atipet ngipengin najenunia ngesi...Arai ngesi etunganan lokajokan, konye abala Edeke, "Adolu akonipak, Kesekia, ido Eong- ibusakinit Eong ayangaar ijo. Kitemonok ekonitogo kere."

Kwabo abu ngesi-ngesi-ngesi kotema atiar, "Eyangaikini eong ikar itomonakany aswam ngun, wu Ejakait." Ianyutu? "Kwana, erai Ijo...Eong-eong-ajeni eong ebe alosi, konye eyangaikini eong ikar itomonakany nges apedoria eong adaun aswam ibore yen. Mam eong apedori aibwaikin ekatogo..."

Koany, ayakian naka Edeke arai, "Kitemonok ekonitogo!"

Kobala Kesekia ebe, "Mam eong apedori aswam ngun okaru lo, eyangaikini eong apak. Ebeit eong ainyakar nu, kasodi aitemokin nu kasodi ayangaar lailo neejai ekesa lo kane, eyangaikini eong ikar itomonakany aswam ngun. Okwe kitimoi eong keswama ngun." Ianyu?

Kosodi do Edeke atemar, "Abuni Eong-abuni Eong-abuni Eong-abuni Eong araut loesiana ketimono da." Konye kibusakinit ngol atwanare kopone kere, teijo.

58 Kosodi konyet bobo, abu ngol koyanga akepak, abu kobongo kau kotoma apak kangin. Ianyu? Ido ti ngesi-ti ngesi erauna loejokuna itia karai ngesi kolosite mam eketogo itemonokinitai. Erai ngin nakabeit. Konye abu Ngesi kijaik ngol ikar itomonakany aiyatakin kanu aitemonokinio eketogo. Naarai, atipet, anyoika abu ngesi kiswama? Kotema ngesi, "Ejakait, eyapana eong. Epuda eong ikar itomonakany kanu aswam nu. Iyakit Ijo eong aitemokin ekatogo. Mam eong apedori aswam ngun dimikito adaun ikar itomonakany naarai ejai eong eloon lailo, ido kijaar eong ka nu kalailo, ido kijaar eong kanu kalailo nuibusakinit aswam."

Kwana, arai ngesi etunganan loayongit Edeke, ido ebusakinit Akivot naka Edeke aitodolikin karaida biai. Ebuni Ngin aitodolikin karaida biai, konye abu bon Ngol kitikok Ngin adaun apak naedit, teijo, aitikokin ngin aikajakin awai kaneajai ngol. Abu do kereka ngesi kiswama aronis kotoma apak kangin. Kotema Ngol atiar, "Mam eong acamakini ngin abunokin ngesi, konye abuni eong aipejokin ngin mama ejaasi ikedwe akauloke." Ijenete bo yesi akiro ngun.

59 Kwana, kidumuni oni ebe aitoronikin naka atipet kacepakio itikokini anyunyura kanu apak naedit.

Kwana, kidumuni oni ebe Ninebe...Abala Edeke, "Kolot kijesar kwap ngina kosodi aiworo mama ejai eibuga ngol kwana, ido kolimok kes, 'Arai...kotoma apaarasia akaisaongon ebuni eibuga ngol atiyakinio.'" Ido, ikatuan, apotu kesi kitoronikinos! Atipet ngipengin naanyuniata kesi enabi ebuni itorit orot, kobala, "INERA KWANATA EJAKAIT, 'Ebuni aibois na aibiror kotoma apaarasia akaisaongon! Ebuni aibois na atiyakinio!'" E...

Karaida ekabaka abu kicorak a-a-a ailung anatar akwap kere, aimony, "Kimukoros kipukoi, kiboiooto kokuruon! Mere akoukon kilopet obe ka akuanakon ka akuanakon, konye obarenekon, otiangikon lukomanikor, kiboikin okuruon kimukor da kipukoi." Aitoronikin bo na!

60 Kwana, nakidumunia oni kanen, kianyuni oni, arai mam enabi ecoikini katipet neteni, teijo, atukokin aomisioke kosodi alosit neejai Edeke, ibuni jo adumun ibore ice kanepkanen, arai mam jo ikwenyi...

Kwana kongolek ber jo Isaia, abu cut ngesi kiner adwarasitike, kosodi alosit abongor otogoke yenididi kamoding. Ido naeswamaunia ngesi ngun, mam Ejakait abu kinerakinos ka Ekabaka loajai ailip. Ejaatar ngesi ka epone loiswama iboro. Ajai enabi toma akwap. Akirot naka Ejakait ebuni mama ejai enabiKe. Abu Ngesi kolot kinga ngina kosodi atiar, "Isaia, kobongo kolimok ngol ebe eira Eong akeilip. Adau Eong ajenun ebe ngin...ebe eomit ngesi ebe ebuni ayangaikin ikar itomonakany aswam nu. Adau eong aanyun akekiyonaarai akoto ngesi aswam epelu ngol nearonon taai. Elosi ayangaikin ngesi ikar itomonakany, abala ngesi, kanu aswam ngun. Ape kolimok ngesi ebe acamakini eong ngesi ajaun kangul, bodo." Ianyu?

Kanukinyo? Abu Ngesi kiyakia-abu Ngesi kiyakia Isaia alosit alimokin ngol, "INERA KWANAT EJAKAIT!" Doodo arai ejai aijulakinet adio kere kotoma kangun, arai aisiyapio...elosi ngin atakanun karaida biai; ngol-ngol abu kotwana kwapekwangin cut. Konye abala...Arai ejai idiobore kotoma kangin, ikamunitos da Ngesi abongun neejai etunganan loabu Ngesi kijukak INERA KWANAT EJAKAIT mamake. Abu Ngesi kolimok Isaia, "Kobongo kinga ngina kosodi alimokin ngol."

61 Kwana, abu Yona koyanga aipup nagelakina, adokor kuju orongat kosodi atemar, "Ti ejok karai komam eong kauruunitai." Ido, oo, epone loabu kiyatakinitor! Kosodi Edeke aitopoloun ekakale kosodi ainakin ngesi etolim kiton naejonina ber ngesi kokuju kanen. Konye kotema ngol, "Kwana, kane, abu eong kalot kwap ngina, ido epote kwana ngul atemar ebe arai eong enabi lokaingal."

Kosodi Edeke ainerakin ka ngol, kobala, "Kongolek ber jo eibuga ngol kokwap kangina! Kongolia ngina, Yona, ebe ejai eibuga kere aitoronikin konapitosi ipukoi ka ekurwon da."

Kosodi konyet Ngesi alimokin ngol nuka ikakale kangin ka ekurut da loabu kobilak ngin kwap. Adiopepaaran, arai ekoto Ejakait, akoto eong abunore Okanisa ne kasodi ayangaar alimonokineta nuituputupa kamaka Yona bon. Oo, ikatuan! Ipu noi iboro luejaasi toma nen, erai cut...erai nakitalakarit. Eraasi iboro luketiai kotoma kanen, eraasi kere nuitupusitoi cut kotoma, ibecokino. Eyangauunit da ber Yesu Kristo kotomake, ka nginibore ice kere. Ejena bo ebe, ngolikokoro kotoma Obaibuli eyangaunit Yesu Kristo. Eebo, cut. Erai ngin aisisiawok naka Nasabiti, aso kiponi oni adumun ngun, arai ekoto Ejakait.

62 Ido koanyutu, ejaasi iboro lu ijo...arai irai jo yenimunokina kosodi alimokin Edeke...Kwana, ibusakinit yes aikweny.

Kwana akoto eong aitodikin yes Yona ece kotut akuare na.

Kadiopekuare ajaasi itunga ice luapotu kopotu ne. Amucaalat katicepak (ice kotoma otungakec) ejaasi ne akuare na, aso mam eong alimuni ekiror, ipote acepak yesi ti ajenun ingai ngin. Konye eponenete kesi ne, ekodet loka itunga luejokuka noi lueponitosi ko Kentucky, ido kesi-eponenete kesi ne adaun ikar. Konye itunga ngul, kwape itunga luejokuka noi, ipaperoka lukajokak, konye kesi...Eraasi cut epone itunga lu ebe naejaar aisikwarunio elosi apedorete kesi aponare okanisa; naemameor aisikwarunio, ido kojai alangiru iriit, amamei itunganan yenabuni airiyar. Ido ajaasi idwe ne kere toma aiwadikaun naka aurio, ajaatar kesi ka...nakijaar isio ka atukono kosi nukaisisia ka iboro da.

63 Ido kadiopepaaran abu eong kabu ore, bala ikar iwongon luatuboros, arai ikany, bala kwangin. Kosodi apese na nadidi, (na da arai ikaru ikanyikauni lukapolou najaar aiwadikaun kane euritere), kedukokina ngin ido ajaatar ka idwe iarei. Ido ajai ngin eperi kokinga kotoma adekis kokinga kane, kojai oreret loka atwanare. Ajaatar ngesi kakoik bala naka ilapio iwongon, ikany, epotie ikoku; kwabo kebu ikoku kotwana, ido mam apotu kopedosi aijeng ngesi naarai adeka naka ekulam. Ido mam kes apotu kopedosi aijeng, aso arai do acamun kotwana toto, da. Mam apedorio aijeng, ido, teijo, abuni ikoku aiar nges kopone kangol, aso apotu kesi...ajai ngin euta atwanare, kodaunos ngun, amamei arereng adio kanuka ngin.

Abu eong kalot aanyun ngin, abu kijukunite anyaraun eong. Ido abu eong kaloma toma adekis, ido ajai ngin nen toma okwam. Abu eong kekeu adal kuju, kenerata ka nges apak edit, ido abu eong katema atiar, "Iitunit jo eong?"

Kobala ngin, "Eebo cut, Onac Bill, eitunit eong jo."

Katema eong atiar, "Biai bodo kwana ejaar...Ijeni tope jo adoketai naidekar jo?"

Kobala ngesi, "Ajeni eong." Kotema, "Kanukangun ngesi abu eong kejukunia anyaraun jo."

Katema eong atiar, "Eebo, kanukinyo, biai bodo ejaar ijo nepepe ka Ejakait?"

Kotema, "Onac Bill, Eong-kijaar eong...eong-mam eong akapakina alosit."

Eebo, kanen kipou isio kakukokinos kwap kasodete ailip, ido totoke ka okilenike, luipu kakesi ajaasi toma agola, ido abu totoke ka okilenike da kogeutu aimony. Ido-kosodi konyet do eong-abu eong kengit nges, ido abu ngesi kitetenaros ka Edeke (abu kotac aiyaposioke kosodi abongun ka aisumun Edeke; ido arai kisionii ngesi; epone loaminar ngesi Ngol; ido akadakinik kanuka aronisioke, epone loabu ngesi kojaritor), ido abu kolot akonye ka aitoronikinike ido komonyi. Ido akaulo apak naedit abu eong kanyou kasodi alomar kinga naka aduketait.

64 Ido a-atupuruc naatupakini apotu kesi konyaraasi eong, abongor ngina. Ido, adumun ebe, kepotu kesi atupuruc ngin kelomasi aitolot ainwak ka aanyun biai e-adoketai nakedolit adeka naka ekulam, ido adumun ebe kemameotor ngin karaida idiocar naka ngin. Kebu kedaun kere, nginidio kere yenika epoison loka adeka naka ekulam kebu kedaun kaneejai ngin. Apotu imuruok luka adekis koriengutu noi kiton atemar atiar, "Ikatinga! Kanukinyo, nu, ibusakinit oni...Erai yen ibore yentegelikina." Kobalasi, "Kilosi oni-kilosi oni aisikapin nges," ido kobalas, "arai esalaki opone ngopengol kiton tupuruc..." Kobalas, "Kilosi oni aibwaikin nges ber adumunun penicillin," arai ibore kere yenipe ainanakinete kesi ngin, kanu aitidisiaritor ikur asuruokin nen. Kotemasi, "Kilosi oni aijeng kasodete-kasodete alemun ikoku eringa kedokara araun ibore ice." Kobalas, "Arai engalei ngesi kapak kangin..."

65 Eebo, irwan aarei arai auni apaaran ngin apotu kesi kinwakata ngin bobo. Ido akuare ngin, koekarite esawa, apotu kesi kinwakata ngin, amamei ibore arono, ajokuna cuticut. Kosodete kesi aigang ngin aisiboikin. Apotu kolemutu ngesi kotoma okwam. Ajokuna nginibore kere. Alosete do kesi aijeng ngin atupuruc naatupakini, alemun ikoku.

Eebo, abu eong kaloma kinga ngina. Ido naarai aponi kiswamai nu...Kwana, mam cut eong abu kajeni ngun, mam cut eong abu kajeni. Mam cut Ejakait abu kolimok eong idiobore yenikamunit ngun. Ipedorete ti yesi aingit itunga, arai ikotosi yesi. Aso kesi...ngin...mam cut Ngol abu kolimu ebe apote ngun. Konye, oo, ikatuan, aanyun i-ibore kwa kangin! Okilenike kangin, kwape araar ekadiakanaran, abu kobu kosodi atemar, "Onac Branham, a-a akoto eong ainakin aijaraka neejai Ejakait Yesu."

Kasodi eong atemar, "Mam ace, bon kokukokin kwap ne kosodi aiting akan naka aberukon, kosodete konyet yesi aupakin alosit aijar naeriyoro na nepepe."

66 Abu totoke kobongu, kobala ngin ebe, "Onac Branham, ijeni jo, eong na kane ka ikadwe," kobala, "kirai isio kere lulem kija toma kosodi kinga, ido toma kosodi kinga, ido korai nepene Okanisa lo, ka iboro. Kiboienenetor isio aipup jo ilimonokini, ido kidokanari isio kuju olutari kasodete abongun." Kobala, "Abongorit kau, eong da, Onac Branham." Kotema ngin atiar, "Akoto eong abongun neejai Ejakait Yesu, kanuka ajokisiKe mama jai ikakoku." Eebo, koanyutu yesi ngun, ebe-ebe erai ngin ibore yenejok noi, konye mam ijo ibuni neejai Ejakait Yesu kanuka ngun.

Kanepekanen aapiar kiding kuare, isawan ikanyape arai ikanyaarei, abu totoke kiluranar kiton ajotoor. Ido kobala ngin, abu kinomak ngin esimu, kobala, "Toto."

Kosodi ngesi atemar, "Eebo, naminat, inyobo ikoto jo?"

Kotema ngin, "Ijeni jo, apupi eong aiyalama noi."

Kotema ngesi, "Eyalama eong noi kanu ijo araut na iyalama."

Kotema, "Enapakina kwana eong nepepe ka Edeke." Kosodi kobala, "Oo, ejok noi ngin!"

Kotoma adagikan adis, abu ngin kinomu esimu bobo, kobala ngin, "Toto."

Kotema, "Eebo?"

Kobala, "Alosi eong ore."

Kosodi nges atemar, "Ajeni eong ebeit jo alosit." Kobala ngin, "Eebo, naminat," kobala, "ebeit edokita alemun ikoku moi. Kosodi konyet bala apaaran adiopet arai aarei, naerubakiniata ajengetakon kosodi jo anyoun alosit kane, ibongori do jo ore kosodi aiyalamikin bobo, ijo ka lominatakon ka idwe ludidik, ido korai Akristayot kosodi aijar kanuka Edeke."

Kotema ngin, "Toto, abala eong ebe alosit Oreka Lokokuju."

Kotema ngesi, "Cutibo, naminat, kawasia naka alosite."

Kotema ngin, "Na nges awasia naka alosite."

"Oo," kotema ngesi, "kwana, anyoin bo ationis?"

Kotema, "Na nges awasia naka alosite." Kwangin kotema, "Eebo, toto, kotoma adakikan adis kanyounite eong."

Eebo, abu ngin koomite ebe kijangakina ngin ido abwangarit. Abu ngesi kinomak anaasit esimu, abu anaasit kinwak eiyenganeke. Nginibore kere ajokuna. Ido kotoma adakikan akany kodauna ngin, abu ngin kotwana.

Kosodi konyet kabongu ore, kotoma osabiti ediopet arai iarei akaulo kangun...Aomit eong Onac Graham nges abu kolimonok nanukere apese ngin. Nabongunio eong ore kosodi Meda alimokin eong ebe abu apese ngin kotwana akuare ngin, ikatuan, mam eong abu kapedo...

A-abu eong kalot aanyun totoke. "Eebo."

67 Ido a-a-a mam eong ajeni arai inyo abu kidupo eong eswamauni ngun, konye abu eong katema atiar, "Ejakait Edeke, Ijo-eburai eong Jo ainakin eong amisiikin."

(Ianyutu?) "akaulo na eong alosit ngina kasodi-kasodi alimokin ekiliokit ngol, kosodi ngesi abunore mama ejai Ejakait akaulo naiswama Ijo iboro lu kanukeng, kosodi kere kopone kangol." Katema eong, "Eburai eong Jo ainakin eong amisiikin."

Naillimokinia jo Edeke ibore kwa kangin, ebuni Ngesi aosikin jo iboie bon. Mam eong...Mam Ngesi apesen ka eong. Eong nges ejai apesen ka Ngesi. Eebo, abu bon Ngesi kojalak eong apupi erono kanuka ngun adaun apaarasia adis, ijenete yesi. Ido akaulo kilapio iuni arai iwongon, apaaran adiopet ajai eong kinga oitolima loka aguruut ido abu Ejakait kiner mamaka kotoma aitapoet, ido kobala, "Kwana do kolot neejai totoke, ido kolimok totoke nu, 'Mam kereka akepak adolit ekaru ediopet eringa ngun, na alumoritor ngin kaguruut, kopucit loka picknic? Ebusakinit ti ngin elosit kapak kangin, konye ebusakinit Eong ayangaar ngesi kapak naekapakinar ngesi alosit.' Ido erai kanuka ngun nges apotu nu kere kismamaunotor ido kanuka ngun ngesi ibu jo kolosio ngina."

Nges do konyet eong aiboikin kwap kasodi aimony. Katema eong atiar, "Ejakait Yesu, kisionii eong, EbulesitiKon lopetai lobang. Mam ebusakinit eong ti alimunit ngun, Ejakait."

68 Ido adaunit eong abongor mama ajai amucaalat ngin, eboie ngesi kalailo ko Market Street, kasodi eong alosite laingol mamake, ido abu eong katema atiar, "Akoto eong aingit jo aingiset."

Kotema ngesi, "Eebo cut, Onac Bill."

Katema eong, "Erai kereka abeit ebe nepetai ti apese ngin enyamitosi akipi?"

Kobala ngesi, "Erai ngin nakabeit, Onac Branham." Kobala, "Okilenike kede ngul-ngul arai aigalalaun ngin kinga kotoma aguurut." Ido kobala, "Arai kesi aikut ngin ekwam, ka aicikanakin, ido abu koraun kesi ayangaun acuuma kosodete aisikun akipi kinga kotomake." Kobala, "Anapit ngesi akesikaat. Ajaasi kesi o picnic. Ajai ngesi kinga ngina kwabo kebu kicak asinge ace, kosodi ajurusiar koge akou kwap kosodi alumor toma akipi. Mam kesi kepotu koanyutu ngesi. Erasakinitos do kesi aanyun ngin esomunun kuju ka alumonor kwap, kosodete kesi akerit toma kosodete aigalalaun ngin kodakunete nges kinga." Kasodi eong atemar, "Adiakit ngin atwanare." Kobala, "Ngesi..."

Katema eong, "Arai ngin akepak naalosiet."

Teijo, ejeni Edeke nuiswamai Ngesi. Kwana acepak ti Ejakait elimokinit eong ngun karai mam eong ayangaarit abwoetai naabu eong kayanga, "Ejakait, eburai eong Ijo ainakin eong amisiikin kanuikamunitosi ngun." Emamei ibore eburae eong Ngesi!

69 Abu eong kabwo kotoma airiamun ace akuare adiopet ido abu keira ekalimonokinan ilipakini etunganan loadaka, kobala, "Edeke, kecorakini eong Ijo aitangaleun etunganan lo!" Ingai icorakini Edeke? Ianyu? Ngin-ngin-mam ngin-mam da ber ngin erai naka aomisio nukaijen, teijo, naarai ebe-ebe Edeke, Ngol-iswamai Ngol nuekoto Elopel.

Epedori tope-epedori tope elupe alimokin ekajejan, "Kanukinyo kismamaunia jo eong kopone kalo?" Ianyu? Cuticut mam! Konye arai kepala enabi kosodi konyet aimo Ejakait kanuka abongokinet, ejai abongokinet nen. Ianyu?

Bala cut kotunganan kalo loengisit nuka-nuka-aingiset naka aur naka emun, teijo. Bon-bon kokweny, ido mam-mam isuburikinit noi. Kosodi konyet, kwana, erai duc Edeke loeyangauni nginibore tetere iswamai kanuka ajokis mama ejaas ngul lueminasi Ejakait.

70 Kwana, karai-karai Ninebe komam itoronikina, ti bodo itubesia luka Edeke kedoikis kesi. Kwana

kiitunitos, ibusakinit enabi apupokin. Kerai ngin aikwenyaret.

Kwana, ibore ngipengin mama ejai ateker na. Itemari konyet jo, "Onac Branham, Nasabiti naatubor ibala jo 'Amamei amun'?" Eebo! "Kanukinyo?" Abu kogir anyaraunioke. Iburai ngesi ti acamun ngin. Elosi ngesi acamun ngin. Ebunit apak na eraunor ateker na atutubeta. Abu eong kaanyu ngun ko 1933. Teijo, abu eong kabwat kawai.

Ibu jo kotema, acepak ibu jo kotemarite atiar, "Eebo, mam ngun apotu kiswamaunos kapak kangin."

Konye elosete ngun atakanun! Mam da Mussolini ajai toma apedor, mam da Maginot Line adukitai, mam da amotoka asubit bala abeet kotoma apaarasia kangun, kosodi iboro, mam da angor apotu koseutu e President loabuni asubit bala e-e etelepat lo ekolej, kosodi iboro luce lu kere, mam da abuni ajaun e President loerai Catholic, ka ace da kwangin, nu eneritai nukec. Nepetai ikar akaisauni luatuboros, arai adepar, aponi iboro kolimoritete sek, konye abu bon Ngesi kitodik eong kama elwana kiton awasia.

Ido kwape ejaar ibore ngin eyapuuni, apak kanuka apak, euta eikopo ngol ailelebun! Ido aitoronikin adau Billy Graham alimonokin, Oral Roberts, ka ingai da bobo ice. Inabin, ka ice da kwangin, atuboros kateker kana nepepe ka aanyuneta ka nukaumokin da, kwabo iyatakinit akesa ya kopekwangin aikwad alomar toma adiakar. Erai ngin nges akirot namam kesi itoronikinotor, aitoronikin eyangauni Ngin.

71 Koanyu, mam cu Akab abu kitoronikin kaitoronet naka Eliya. Karai Akab ti kitoronikina kosodi alosit kaiyapaara kakonyen nuka Edeke, mam ti ibore ngin etakanunit. Konye abu Akab kijesun kwap nen kosodi ayangaar emanikor loka emusabibu loka Nabos ido abu kijaik ngol eario, ka iboro lu kere lukaronok. Ido Yesebel...Abu enabi ngol koloma kinga ngina nepepe ka INERA EJAKAIT KWANATA! Konye inyo kereka apotu kesi kiswamata? Abu bon ngin kitukurian aiar ngol. Anyoika apotu kotakanut? Aponi adwarasitike kitodolikinai, apotu ingokwo konyamata ngin kosodete aime aokot nuka Akab. Becebec cut kwape ajaar akekirot! Abu ngesi koany eikopo, ileleba.

Erai kanuka akirot kangin nges abu Mikaia, inera ibore yepeyen, opone ali tikipedia ngesi aisirereng ibore yenedaunit Edeke aiken? Teijo, ake-akekirot, adwarasitike, aupasi nepepe ka Akirot.

72 Kerode, mam abu kitoronikin naabu Yokana kotemaria atiar, "Mam ibusakinit jo ajaut kanges, aberu konacekon!" Mam cut ngesi abu kitoronikin. Konye anyoika abu ngesi kiswama? Abu akeberu kokotokin akou naka enabi. Aso kongolek asilianut naabu ngesi koloma toma. Kongolek nuapotu kiswamaikinos ngol. Kongolek, karaida lolo, ko Switzerland, a-akipi nubululu nuka ainger ngol eringa ekulaete kwape a-aisiitikinet. Koany, cuticut, mam nges abu kitoronikin na etoronia Ejakait ngesi. Abu Yokana kolimok nges, komam apod arai kerai ngesi inyo (ekapolon loka ekabaka, arai ibore yenipe kere kerai ngesi; arai ekepugan lokapolon, arai ingai kere epedori ngesi araut), ibusakinit nges aitoronikin naiwororia Edeke, arai mam edoikini do nges anyunyura!

73 Irwan imwasi ai kotoma onabin...ewadikat eong kane, konye mam oni ijaun kapak naarai kijaar eong kadakikan atomon bon ideuna.

Arai emameun aitoronikin, apolouke bodo ejena cut ebe ebuni atubokinio! Kesekia abu kitoronikin. Ianyutu? Abu Ninebe kitoronikin.

Akab mam cut aitoronikin. Nebukadenesar mam cut aitoronikin. Itunga luka apakio nuka Noah mam cut aitoronikin, ido abu atubokinio kobukun cut toma. Ianyutu? Kwana, konye nasodit ber ikwenyari Ngesi nginitunganan. Nginitunganan kere edumuni aikwenyaret.

Kwana, kwape kisesenio ebe aapu apak, ekot nginitunganan kere yenepupi ebe ejai aikwenyaret, kitoronikin atipet eringa anyunyura naka Edeke kinoma.

74 Kwana kayautu do ngin kwap mama ejai ekanisa loka Branham Tabernacle. Koanyutu, kisesen oni iboro lu ido kijeni kesi kwape lueraasi Abeit. Kijeni cut oni ebe erai Ngin cuticut Abeit. Ayakian naka Akirot erai, "Arai kitoronikinos yesi ido kibatisaunos Kokiror loka Yesu Kristo kanuka aisionio naka aronisiokus, idumunete ainakinet naka Emoyo Lokalaunan. Naarai aisumunet ngin erai kanuka ikusidwe ka ngul kere luelwaka." Ianyutu?

Kwana, etunganan, Ejkt. Dauch, abu kingisite eong kane mam apak naeoj etuboro, kobala ngesi, "Onac Branham, auta eong amojong. Auta eong anonokiar, akaisakanyikaongon-kidiopet." Kotema ngesi, "Ijo-iwomit jo arai eong-akapakina eong atwanare? Iwomit jo ebe akapakina eong alosit? Iwomit kereka jo ebe etajaruna eong?"

Katema eong atiar, "Onac Dauch, iiritor jo alosit neejai e-e emuron loka adekis kanu aanyanario naka akuan?"

Kotema ngesi, "Eebo."

"Ido ilimokini jo nges...Kwana, nu bon iswamai emuron ngol, ejaatar ngesi keitabo eperi kanen, ido

elemuni ngesi eitabo lo kosodi amoun. 'Kwana, ibore yenisodit ibusakinit eong aiswamaikin etunganan ngol, nges aiany ber eketau.' Aso elemuni do ngesi ainwaket naenyaritai stethoscope kibwaikini ngun akiike, koanyi eketau." Katema eong, "Konyet do, ibore yenetupakini yenedumuni ngesi, eanyi ngesi epuresia loka aokotoke, kede-kede epuresia kakan kangol. Konyet do ibore yenetupakini yeniswamauni ngesi, elemuni ngesi ekulam ediocar, ka ice da kere bobo, kosodi amatun aokot adis kama ka ngol, ka iboro da lu kere luegelegela. Itori ngesi toma kangun kere, ido arai mam ngesi edumuni idiobore...Eyangaari do ngesi toma X-ray. Arai mam ngesi epedori adumun idiobore, etemari do ngesi atiar, 'Ejkt. Dauch, irai jo-engalei akonikuan kere.'

"Inyobo do itobwoitor ngesi ngun? Ojautenin luko oitaboke loka amukian, ebe arai ejai ibore yenerono kotupitete nuebala lokapolon loka sayanis ebuni atakanun kane, ebuni aswam nu kane, ebuni aswam ngun kanen. Kanuka ngun do, kwape ne enangit ngesi epedori aijen idiobore yenikamunit ngun, ingalei jo, teijo, kakuan.

75 "Kwana," abu eong katema, "kotoma ojautene kalo, a-alosi eong aijaikin ngun aanyanario naka etau. Ianyutu? Ido Edeke, kanuka etau, ejaatar ka Acuumu adiopet bon, erai ngin nakabeit, ngin nges AkirotoKe. Ngin nges AkirotoKe. Ido abala Yesu, kotoma Yokana Lokalaunan 5:24, 'Ngin yeniirari Akakiro.' Kwana kereka, aiirar ngin mam erai apolouke ebe aipup aruo bon naka akiro. Aiirar ngin erai apolouke 'aijaun Ngin.' Ngin yenedepedori aijaun AkirotoKa,' amen, 'ngin yeniirari Ngin!' (Mam ebwouni ber, atemar atiar, 'Oo erai ngin abangaanut, iboro ngul, emamei ibore ejai nen, mam eong eyuunit ngun.') 'Ngin yeniirari Akakiro!' Uh-huh. Ngin nges Akirot naka Yesu na da erai Ngol nges Akirot. Aso konyet yesi. 'Arai ipedori jo aiirar Akakiro,' abala Ngesi, 'ka aiyuun da Ngol lokejukuni Eong, atubor ngol anyoun katwanare aloma toma Aijar; mam da ber elomari toma atubokinio, konye adau sek atubor kama ejai ngin.' Amen!" Katema eong, "Biai bo do eramar ekonitau kwana?"

Kotema ngol atiar, "Eyuunit eong Ngin. Adaunit eong aijaun Ngin."

Katema eong, "Kwangin bodo kotupitete nuka e Specialist Lokapolon, Operator Lokapolon, Emuron Lokapolon loka Aijar naka Ikar Kere ebala ebe, 'Idau jo atubor katwanare iloma toma Aijar ido mam cut ilomari toma atubokinio.'"

76 Kotema atiar, "Napupunio eong jo ilimonokini Ekiror loka Yesu Kristo kanu aibatisao naka akipi, abu cut eong kalot alomar toma kokaukon ido ibu jo kibatis eong." Kobala, "Eong...Etunganan losek arai eong, mam bobo eong arai etunganan ngol. Ejai ibore atakanikin eong. Mam sek ber eong apodo nuka Ngin ido ajai alosit korot kaje, konye ebelokin eong ido abu kageu alosit korot kalo. Ido enokie ekatau apaaran ka akuare kanu aapikin die naka Ngol. Nginikirot naka Ngin, eyuunit eong! Alimuni eong 'Amen!' mama ejai nginidiopet naka Ngin. Mam eong apodo arai etubi Ngin eong opone ali, akoto eong aitodolikin nuipuda Ngin. Ido adaunit eong kwape ejaar neanangit eong ajeni."

Katema eong atiar, "Kamaka esubit ekonitau bala eruo ejok noi. Eong-Eyuunit eong ebe irai jo loipedori komoyo kwana."

Kobala ngesi. "Mam eong ajeni arai kejaun naebunio Aurupoorio, apedori kereka eong alosit kotoma kangin, Onac Branham?"

Katema eong, "Mam erai eong ibusakinit alimun ingai elosi kotoma arai ingai mam ebuni alosit kotoma."

Kotema ngesi atiar, "Eebo, akoto eong araut loajari, akoto eong-akoto eong aanyun Aurupoorio erono noi."

77 Katema eong, "Mam ace, mere ber eong kangolek nu e-e nuebala Eitabo loka Sayanis kane, kosodi esayanis loka etau kane." Katema eong, "Eebo, ebala Ngol kwanata, kotoma Isesalonikan Lokiareit, esula lo5, abala Ngol, 'Oni lukijari ido lukipaikinit kiton Abunore naka Ejakait mam kitukurwori' (apolou naka ngin 'aitikokin') 'ngul luejaasi aiyengun, luejotoete. Naarai eruikini arupepe naka Edeke, ido ngul luejotoete araiboot luejaas aiyengun kes ber elingete akwenyun, anapakin amamus aibos. Kosodi konyet oni lukijari kapaaran kangin, kapak kangin akaulo naedauniata kesi ajarun, teijo, kosodi konyet kilocokinio oni katipet, bala airwakakin akongu, ido kiriamun oni kakes; kasodete do adokar airiamun ka Ejakait toma apak, kiwurupoorio nepepe kakes.' Arai ijotoor jo, araiboot mam, arai ijotoi jo arai mam, nepekere idaikinitai jo, araiboot da ber mam jo kidaitai nepetai da, ebeit jo abunore karaida biai! Emamei ibore yenedepedori airebokin jo. Ibuni jo ajaun ngina!" Katema eong, "Onac Dauch, arai mam Yesu ebuni aitodol ipapai-kipapai-kipapai-kipapai kipapai luka ipapaika, ibuni jo asalit ijai cut nepenen toma apak ngin becebec, ido ibuni jo ajaun nen eringa da ber ngul kijulakina, arai epote kesi alosit." Erai ngin nakabeit. Amen!

78 Ejai arereng naebunit cuticut kwape da ejaar anyunyura naebunit. Oo, ibusakinit oni kedaritos adiopet naka ngun lolo. Ibusakinit jo arai aidarite anyunyura adoikin jo ka amudiario, araimam iburai jo ajaut idaret ajarun naka Ejakait Yesu. Edeke ngopengol loesumunit adiopet, abu kisu-...Eyalama eong

noi!

Edarit eong abunore naka apaaran ngin naka Millennium,
Naebunio Ejakaitiwok loisirerengitai kosodi awurupoor ayangaar Aketeran naidarit;
Oo! Imuit ekatau ido idinya kanuka apaaran ngin naka alacakinio naejijim,
Naebongunio Yesu wok toma akwap bobo.
Konyet do adiakar ka ican, ariebo ka atwanare nuka akwap kana naemutono
edaunos,
Kotoma ayait ngin naka aibuses naka ikar elukumit luka ainapakin; (Oo, ikatuan! "Ido
kijaun ka Ejakait ikar kere." Ianyutu?)

79 Nuabu Edeke kiner, ibusakinit aitodolikin. "Epote kesi aiduk itogoi, iboiete kotomakec. Epote akoru amanat nuka emusabibu ido epote kesi ainyam araitokec. Mam kesi ekoriete ido ice abunore airum ngun. Epote kesi akoru amanatakec nuka emusabibu ikulepek ido esalakinete eraas nukec." Amen! Amen! "Mam kes isiriebete araida amudiar kotoma Orongan ka kere lukalaunak." Aleluyiah!

Naebosi na naenapia amamus aibos, na-atwanare na ejwenyario kotoma aipikor, konyet do kianyuni oni Ngol kwape ejaar ido kijaun ka Akuan naeputosi ka naKeng Obe nakaibuses. Oo, apak bo na naebunit!

80 Edeke ngopengol ka inabin da ngupengul luapotu kodwarata Akirot naka Edeke, araiboot anyunyura nakebeit abukunio, abukun, kesi da ngupengul apotu kinerata nuka arerengusio nu nueponitos. Eyalama eong noi! Mam cut Edeke einakini a-a ateker a-a amudiaro komam ikwenyarit ngin. Mam cut Ngesi einakini etunganan amudiaro komam ikwenyarit ngin. Kwana do arai iswamai Ngesi ngun, kijaar kereka oni kibore yeneswamaikin oni, aitodiario kwape nukabeit naka aanyuneta nuka apaarasia nukawasia nepepe kaoni, Emoyo lokapolon Lokalaunan elosi kokidingiwok ido kojai ijaikinit ekanisa agogongu nepepe kAjakutuKe, aitogogongit AkirotoKe kwape nakabeit. Apolouke do euta Ekanisa akapakin kanuka adiakar toma apak kadiopet kotoma apaarasia kanu, kanuka apedor naka Edeke. Naarai erai aikwenyaret alacar nginibore kere yenelangir ka adiakar naepatanikinit aigogoleonor oni, tetere oni kiporori katiting kabolobol kana naibwaikinitai kakonyenewok, alosit neejai Ekagean ka Eketodolon da loka Aiyuuniwok.

81 Kisirereng Edeke yes, ekanisa! Kodongakinos toma akan naka Edeke namam ijulanakin! Eebo, cut. Arai ipupi jo AjakutuKe, kolot mamaKe. Arai ejai ibore yenerono kotaukon, kitemok ngin. Mam oni kijaar kapak naideuna naepol, Abunore naka Ejakait eyapie. Iyuunit jo Ngol? Oo, ikatuan! Mam tope ngin ebuni araut naeumokina kangina? Apak bo na, naanyunia eong ikajiok ngul lukolosek kokau kangina elosete kitoritos Paradais ngin! Oo, ikatuan! Edarit eong esawa ngol.

82 Eitunit eong abu keirarite onaceka ebala, na abongunio kalaije kokekwan, kalarieik nukolosek nuka ejie ka iboro, kobala, "Ikajiok ngul lumojong, na ebwasiaata kesi aputo ngin naenyaritai Statue of Liberty, kosodete aikokoron ingwalasik da ngul nen tetere epedorete aanyun aputo ngin Statue of Liberty." Ngin ber igeuni jo aanyun ijai ameeri, naikeunor jo, naarai icelele ngin noi. "Kosodi aanyun akan ngin, ebwoi kanen," kobala, "itunga ngul ijangakinos cut kesi kogeunete aimony. Ido kereka cut ikiliok lukapolok ebwoete kanen, kosodete aibirokin kwap kameeri kogeunete aimony." Kerai bo inyo ngin? Aanyunet naka alacakina. Nginibore kere yenikeminasi kesi aperi kokau naka aanyunet kangin kanen.

Oo, konye ebuni bodo araut inyo na eiraria eong ameeri namojong ngin nako Sion ekutakini atupuruc ngin kasodi eong aanyun imenderan ibwakibwakasi! Naedaunor ejie ido kojaun aipikor, aleluyiah! Ido kija abunore Ore, neipikoritere atwanare, adiakar ka okatwak; ido emamei bobo adiakar, emamei bobo atwanare, emameete bobo ican. Apedorit cut eong apupun epirigi eruo! Oo, kiyapia oni Oibuga ngol. Eebo, cut. Apupi eong akailan ebukosi toma, ejai ameeri ngin namojong elosi toma aiboisike. Edeke, kingarak isio kajarata kanuka esawa kangol!

83 Ejakait Yesu, kirai isio itunga luejaas-ejaas etamitosi nukipedori kere, nepepe ka ngun kere nuejaasi tomakosi, alosenon kotoma Aica naka akiro nukajokak nuka AkiroKon Nukajokak nukapolok ngun nuibu Ijo kotwana tetere aiteten. Kiyalama isio noi aanyun, kotoma apaarasia nu nukaronok nukamuton nukijari isio kotoma kwana kosawa kalo, ebe kiseseni isio aanyuneta etakanunenete. O Edeke, kwape eraar ngin aiwadikaet naka akan karwatat, kimalai isio Ijo, wu Ejakait, ebe kipedori isio asesen ngin kasodete ajenun ebe aapu alakunio. Kilimonokini isio, kitubitoi isio kakwap kana, kiseseni isio Ijo iswamai aanyuneta nuepolok, aitodiara Ijo Elopel kanginipaaran, kangolikaru. Emamei cut ekaru loetubor komam aanyunetaKe (nuepolok) Nukapedor nakomoyo inomitos akwap. Ido kiseseni isio ngin, kajenete ebe ajore nakapolon naka Edeke ejai alosit akonye.

Oo, mam eraasi luipu kimari, konye erai ekodet kokagogong loejaatar ka Aijar naka Ikar kere! Abala, "Epote kesi arukitor ajore ido ilamete arwatat." Eebo, "ajore" naka atwanare mam irebokini kesi, erukio Ngin ngul kitorite toma nepenen. Ilami "arwatat" kiding akuan ka Nukapedor naka Omoyo, kosodi alosit toma kangin kana Ikar kere. Ejakait Edeke, kimalai isio Jo kanuka nu. Kijeni isio ebe ejai apak eyapuunit.

84 Elipit eong, wu Edeke, ebe akuare na arai ejaasi ice kane lumam ejenete Ijo, lumam edumunitos ainapakin kec...Ido acepak akuare na, kapak nakijaar ener, abu Eporoto ngol loiyamakina kiner kotoma aidules naka etau kec, "Apupi eong aikwenyaret ebe mam eong abuni aiyatakinit ajaut bobo apak naeoj."

O Edeke, elipit kitemonokisi kesi etogocek, kopekwana. Korai nginibore kere yenitemokinitai. Korau alilim...Acepak eraasi kesi Ikristayon, konye bon mam kesi...Adautu kesi aojau naepol noi ejarete kokwap naka nu ido asesenoto iboro luipu noi, kesi-adautu cut kesi atwaniar etiai loka Ngin. Erai ngin...Ibora ngul, eyaitosi kesi ngun kitebebenitos aibois naka kaidules nacut ka ainakina da.

O Edeke, kaanyanakinis isio akuare na, kocamak ngun, kajenete ebe iboro lu lukapolok eraasi bon luikwenyaritisi isio nuka Ekanisa loebet awuruporio katipet. Ido arai igugunatoi isio kede adiakar, nepepe ka amamus aiyuun, ido ka akalanyanut, mam isio kidolokini toma Awuruporio ngin. Kijeni isio ngun, wu Ejakait, kanukangun kilipit isio ebe ibuni jo ainokokin tomakosi Emoyo Lokalaunan, toma cut aidules naka ikositauon. O Edeke, kinokok akosijjar kede arerengusio Kon. Kingarak isio ajenun.

85 Kwana, kisirereng itunga nepepe. Kisirereng ekecokon kosi loketiai nepepe kakeberu. Kisirereng idikonin, lumunon, ka luemamei adoketait da kere, nepepe. Kisioni adikanaretakosi. Kitangaleu isio adekasinei kosi, wu Ejakait. Ido kinokok itauonokosi. Karaut isio lukilos anyoun kaibois kana nepepe ka aisiiraret naka aikwenyar, kwape kiriamanakinor ka itunga luejaasi toma adiakar, kasodete alimokin kes, "Opapero mam kereka jo kirumitisi ileic ebe iswamai jo iboro ngul, kojene ebe ibuni jo airiamun ka Edeke kacepaaran?" Kocamak ngun, wu Ejakait. Ejaikinit eong kes mamaKon, kwana; ejaikinit da Aisiiraret na, ka nepepe kere, aswam nepepe kanuka aibusesuKon. Kokiror loka Yesu Kristo. Amen.

Amina eong Ngol, amina eong Ngol
Naarai Ngesi abu kogeu amina eong
Kosodi agwel aitajarioka
Kokitoi loko Kalvari.

86 Mam kereka yes iminasi Ngol? Koomoomata nukirai oni. Kongolek netia ai kidol oni kotoma orot, ipapero. Bon kongolia kau kwap orot anyoun kokwap cut kangina, kotoma apaarasia nuka Luther ka Wesley, ape kwap aitorun toma aturio. Kongoliasi ne nekijai oni: cut ne kokuju naka apiramid; cut nepene neetogogongio Edeke ngin, ebe Ebaibuli kotoma aipuceta akanyikaarei adaun cut apukor kaitekooro; idarit bon kwana nukaiyeiyea ngun akanyikaarei kawasia cut, kAbunore naka Ejakait ka Awuruporio da naka Ekanisa na kacepak epedori atakanun eringa atupuruc. Oo, ikatuan!

Amina eong Ngol, (kainakina kwana) amina eong Ngol
Naarai Ngesi abu kogeu amina eong
Kosodi agwel aitajarioka
Kokitoi loko Kalvari.

87 Kwape kaiyamakina kwana oni...Ijenete tope yesi ebe nginidiopet kaoni kotoma kane iburai anyoun kane, anyoun kakwap kana? Ijenete tope yesi ebe itunganan yeneurit aberu erai yenikidioko apaarasia ido ileleba ican? Ijenete tope yesi ebe naarai kiuritari oni kanuka ekitoi ngol loajai omanikor loka Eden, loka atwanare, ebe iburai oni atwanare? Kirai oni araito nuka akoik naka totowok, ido ibusakinit oni atwanare, ibusakinit oni atiakar aijar na. Ikatumunak ka imojongai, emamei atiaketait. Arai ekiliokit loemojongit kakere arai aberu kotoma kane kejar angetakin akuare na, ebuni ngin aijar aitelekaar arai ebuni ngol aijar aitelekaar luipu luka itomon-, idwe luka ikaru-itomon-kikany lukapolou? Akwat nuka ngul epote atwakare anatar akwap kere eringa atupuruc, nuka idwe. Aso nuepolok kakere, erai bon ebe, inyobo ber iswamai jo kopekwana?

88 Epedori kereka na araut arerengukon nakawasia. Ikatumunak arai imojongai, ipedorit jo alosit okanisa. Mam ijalakini idiobore mam iswamatai. Korai kaidules noi ido koinakina. Kolaca nginidiakar kere ka nginibore kere. Kongolek eitena cut akonye nuka Edeke kosodi aingit aingiset, "Ejakait, eong tope ketelilit Ijo? Inyo bobo icebore apedori eong aswam, wu Ejakait Yesu? Mam bobo eong kijaun ka arereng, akaulo naedaunor aijar na, aijaanakin Ijo. Napena nges bon apak nakijaar eong. Ejakait Edeke, bon kocamak eong kajenu nuikoto Ijo eong keswama! Arai ibusakinit eong alosit aswam nu arai ibusakinit eong aswam ngun, abuni eong aswam ngun kaiyalama.

Oni ki-oni kiwomoomoi tope ngun kainakina? Ikesa ludidik ngul eomoomoete tope ngun? Lukapolou nakokiding eomoomote tope ngun? Itunga luemojongitos eomoomoete tope ngun? Lukapolou naka itomoneta eomoomoete tope ngun? Iburai oni alosite, ido ijenuni jo biai ebe mam oni kere kirai lukinyounit eringa atupuruc? Mam oni kijeni ngun. Itemari jo atiar, "Isiyalongongoete ngun eong." Mam ti ibusakinit! Korai eitena, ibusakinit ti kitarau jo yeniyalama kakere ajenun ebe ebeit jo ajalakin etogo lomojong lo loka ikur.

89 Ejai akwap ace. Mam iburai jo alosit neelwana noi. Ejai nepenen nepepe kajo. Ejai cut die kon. Ijo cut...ijo...Abu bon Edeke koinak jo apupeta akany, ido eraasi ngun kanu arucokina ka ne etia nen neka na, akwap na. Konye ejai akwap ace na emameete jo apupeta arucokinor, mam jo ipedori arucokin ka ngin naarai imameotor jo ka ngun.

Kwape naanyunet, abala eong, Nasabiti, (acepak mam yes ipotu ikamutu ngun) inyo...kijaar oni kapupeta akany: asesin, aiir, atiror, ainguun, ka aipup. Konye do karai ijo komameotor ka asesin (kojaatar bon jo ka aiir, atiror, ainguun, ka apupun), kosodi icetunganan akwenyun ido kobala, "Ejai

akwap ace, akolong"? Ngun-ngun nukaipup, ijo aturianakin iboro, ido inyobo ngin epedori alimokin jo ibore yenerai ngin. Kanukinyo, ibuni jo aomit ebe erai itunganan ngin yenijangakina akou, naarai imameotor jo kangin-apupetai ngin naka-naka aikweny. Emamei idiotunganan edumunitor ngin, yenijeni ijo. Ipuunitor jo itunga luinerasi nuka iboro kwa kangul, konye ibu jo kobuonokin ngun. Konye kijeni oni kanuka apupetai kana ebe erai ngin ibore ilopet. Erai aiboisit nateni. Ianyutu? Ngin-ngin-ngin-erai ngin aiboisit ne i...ipedori jo asesen. Apupetai kon elimorit ngin.

90 Kwana, ibore bon yeniswamai jo naitwania jo, ilocokini bon jo apupeta ngun akany (Aibuses! Whew!), idumuni bon jo apupetai ace. Ido ijari do jo kede apupetai naikiara, irwan luka ilukumin ikiara adepar na, kotoma aijar ace; aijar na emamei atwanare, na emamete ican. Ido iboro lumam ijo ijeni idiobore yenikamunit ngul kwana, ibuni jo asesen kailerer naituboror jo nen. Mam jo ijenuni ngun kwana naarai ituriaikina jo toma kangun, imameotor jo ka apupetai ngin. Itemari jo atiar, "A-apupi eong aipup naitegelikina kane akuare na. Esubit kamaka bala ejai a...Akoto eong bala ti aimony, arai aiworo, arai icebore." Erai Imalaikan luka Ejakait. Ianyutu?

91 Bala itunganan atiar, ijenete yesi, ngin yenimam iiritor ajaun ka apupetai naka asesen, atiar, "Irwan ace kapakio apupi eong ibore ilopet, bala aipup naka ajalamu."

Itemari jo, "Erai aica naka akolong."

"Inyobo erai akolong? Mam eong eiritor aanyun ngin." "Emamei mam..." Teijo, mam cut nges eanyunitor, mam ejeni ebe inyo ngin. Teijo, itunganan ice kalaingol kanen nges ibusakinit alimokin nges, itunganan yenepedorit asesen ngin. Oo, ikatuan! Ianyutu?

Erai bon oni aijulakin. Erai bon oni aijulakin, sirikuriana atwanare. Mam atwanare erai idiobore dimarai aitukurianet. Abu Yesu kipiko ngin. Karaida nabunio Paul kwap kwasia, abala ngesi, "Atwanare, aibo ejai ekonitidot? Aibo ejai aitukurianet kon? Ates, aibo ejai akoniipikor? Ibala jo ebe idau jo adumun eong? A-akoto eong adodiar jo kau ngina Yerusalem. Ejai ates na eorori ngina ido ' Eong nges ngol loabu kerota aipikor yes, atwanare ka okatwak,' ajai eong toma kaNgol ido mam jo ipedori aiting eong! Ajaruni eong bobo." Oo, ikatuan! Kotema ngesi, "Kengadakinitali eong aboko, naebuni Ejakait, Ekatabon loedolit, ainakin eong; kwabo mere eong bon, konye ngul kere lueminas atakanuniKe."

92 Imina jo Nges. Ikoto jo aanyun Ngesi ebuni. Idarit jo Ngesi. Erai na awaragat naeoj, erai ngesi a-erai aidaret naeoj. Erai akiro nuka amina. Konye mam cut ijo ipedori aidaret kiton naianyunia jo Ngesi! Oo, ikatuan! Epone loejaer nges ngol. Oo, ngin nges apak nakimoot oni, ngol nges esawa! Arai mam ekonitau ikoni-ikoni-ikoni nen akuare na, opapero, kokoite. Ianyutu? Kocoitosi. Mam icamuni lokasurup aingala jo. Naejaer Emoyo Lokalaunan kane ekoto Aporor neejai EkewamaunaniKe, neejai EjakaitiKe, engin kanen akiro nukamin namam idiotunganan elimuni nukeng. Erai ngin nakabeit, erai ngin ibore ilopet. Erai ngin ibore ilopet

Aso arai ejai aikwenyaret, ebal, "Mam kereka jo ikapakina kanuka ngun," kiitu bodo, acepak ejai Edeke aisikapin jo kanuka icebore. Teijo? Mam jo ikapakina...

93 Itemari jo, "Eebo, arai kebataun eong, Emoyo Lokalaunan konyet, eebo, acepak ebuni Ejakait ayangar eong?" Mam, mere ngun bon, irai do ijo yenijai akapakin aijar. Ijo-mam ijo ikapakina aijar aitodol naidumunia jo Emoyo Lokalaunan, ido konyet naidumunia jo Emoyo Lokalaunan nges konyet iraunor jo yenibusakinit aijar. Mam sek jo ebusakinit aijar eringa ngun, teijo, konye kwana do ibusakinit do jo aijar akaulo jo adumun Emoyo Lokalaunan. Ianyutu? Erai bon aisikapin jo. Ianyu?

Ebalas itunga, "Eebo, ibusakinit eong akapakin kanu atwanare." Oo, ikatuan, ajai akapakin kanu aijar! Amen. Ibore kanen nges yen ebe, kokapakin kanu aijar, aijar kotoma Kristo! Aijar na Ipikoritere adiakar, atwanare, okatwak, adaunit sek eong adumun aipikor. Ngesi nges ak'Aipikor ido eong nges aitogogonget naka AipikoriKe. Amen! Nges bon nen.

94 "Opone ali ijenunia o ebe ijaatar jo kaNgin?" Kijaar eong ka Ngin. Amen. Abu Ngesi koinak eong Ngin kanuka asianutuKe. Apupi eong Nges. Ajeni eong Nges. Aseseni eong Nges iswamai kotoma aijaraka. Abu Ngesi kijulak eong. Ido kotupitete nuejaasi Oitabo lo kane, abala Ngesi ebe ajaatar eong ka Aijar naka Ikar kere ido mam eong abuni apedor abunore toma Atubokinio, konye adau eong atubor anyoun katwanare alomar toma Aijar naarai abu Ngesi koyanga atubokinioka kanuka. Ido arai abu Ngesi kotac etiai, sirikitam ayangaun eong toma atubokinio adio kere. Abu Ngesi kodau ayangaar ngin kanuka, ido abu eong kacang. Eebo, ipa.

Aso emamei atubokinio ace bobo. Emamei bobo-emamei bobo atwanare. Oo, iburai eong aosikin ekanisa ka aosikin da itunga kacepaaran, konye ebe...arai kiyap Yesu. Ido arai kiswamaunos ngun, atiar inyo, ikatuan, mam eong atwanit. Mam eong apedori atwanare, kijaar eong ka Aijar naka Ikar kere. Opone ali ipedoria jo atwanare nepepe kAijar naka Ikar kere? Ianyu? Duc ajaut toma Ajakut naka Edeke ido ikar kere ajaun ka Ngesi! Amen! Italakaaritos ngun ekatau, ikatuan, ekot aijaikin eong ageun alimonokin bobo. Ianyutu? Erai ngin nakabeit. Oo, Erai Ngesi loeumokina!

Mam tope Ngesi eumokina, eumokina, eumokina?
 Mam tope Yesu Ekajakait eumokina?
 Aanyutu akonye, eirasi akii, ngun nuiwadikatai kotoma Akirok naka Edeke;
 Mam tope Yesu Ekajakait eumokina?
 Amina eong ajenanut ngin.
 Aanyutu akonye, eirasi akii, ngun nuiwadikatai kotoma Akirok naka Edeke;
 Mam tope Yesu Ekajakait eumokina?

95 Oo, amina eong Ngol! Erai Ngesi Ainapakinika, Aijaraka, aka-aka Amunoka, Ekakabaka, Ekadeke, Eketajaranika, eka...(Oo, ikatuan!) Papaka, Totoka, Iinacika, Onaceka, Opaperoka, nginiboreka kere! Ianyutu yesi? Kimina isio ayoenen ikosio yenididi kopone kangol. Ijeni jo, yesi iiritotor adumun ikososine ludidik ngul luka Pentekosit bala...Amuno eong egwetaritos kesi ateepe rekoda ngin. Hmm. Kerai bo inyo ngin atapit isio ayoenen?

Ngesi papaka, totoka, iinacika ka onaceka,
 Ngesi nginibore mamaka.
 Ngesi nginibore, Ngesi nginibore mamaka;
 Ngesi nginibore, Ngesi nginibore mamaka;
 Naarai ngesi papaka, totoka, iinacika ka onaceka,
 Ngesi nginibore mamaka.

Yesi iitunitosi apakio nuedilar oni ayoenen ngol? Ejai idio kayesi iitunit? Ikatuan, atuboros ikar luipu! Kosodi konyet atapit oni atemar atiar:

Ajeni eong arai Aokot, ajeni eong arai Aokot,
 Ajeni eong arai Aokot kanuka;
 Adiopepaaran naoliolitor eong, abu Ngesi kotwana kOmusalaba,
 Ajeni eong arai Aokot kanuka.

Iitunitosi yesi ikosio ngin yenididi? Kaanyutu ber oni.

Oo, mam jo ikoto aikweny keong esawa ediopet,

Kajai eong alosit laiye, kajai eong alosit laiye?

Oo, mam jo ikoto aikweny nepepe keong esawa ediopet,
 Kajai eong alosit laiye kosodi ailip?
 Ajai eong aipikor, ajai eong aipikor,
 Ajai eong aipikor, ajai eong aipikor;
 Naarai amina eong Yesu, erai Ngesi Eketajaranika,
 Ido imuriemuria Ngesi akiena ido emina Ngesi da eong.

96 Amina araut emojong Onac Smith, onac lokirionon, amina ajaut ne okoona. Oo! Amina eong aipup itunga ngul lukirionok kokwap kangina, arai bon eong aiboi kanen kasodi aikalalat ka aimony da ka nginibore ice kere, aibukubuk akamotoka kere ido asomosom airimirim ngin kopone kangol. Ebapete kesi kere akecekanin. [Euta Onac Branham aibap akekanin apak edit kojai aiwo-Ekewa.]

Oo, mam jo ikoto aikweny nepepe...

Erame ngol loejaatar itunga lukirionok, ijenete yesi. Emamei itunganan epedori aiyo bala kesi; kimurwokis jo ngun. Ianyu?

...esawa ediopet,
 Kajai eong alosit laiye,...

Oo, ikatuan! Arai eong aiboi kanen, kabala, "O Edeke!" Etelepat lodidi lo lomojong, bala ikar akaisaarei luka amojong, arai eong akerit airimirim amotoka ngin kasodi cut aiworo ka aiturit Edeke kopone kangol. Oo, arai ngin apak! Arai cut ngin kageunet nasek, najaar Edeke elosenene kotunga kopone kangol. Kwana kipou oni toma Okanisa loegogong. Mam eraasi luipu kotoma onaabai, konye lukagogong kotoma Omoyo. Amen. Eumokina ne biai!

97 Kapakio ngun ajai ikosio...eitunit eong apaaran ngin ko Chattanooga, Tennessee, nakipou eong keriamunotor ka...Mere Chattanooga, arai kokwap kalaiye ko Memphis, neabu eong keriamunotor ka aberu na nakirionon, ijenete yesi, ebwoi kokinga kanen. Iipunitotor yesi eong eneritor ngun, ijenete yesi. Ajaatar etelepat keng ka esuuku. Ido eweniwenit ngesi esaati ketunganan kalo akouke, kogonguna kokuju naka abao kopone kangol. Ido abu Ejakait kitobwou edege ngol kangina kwabo mam abu kocamak nges anyoun, kopone ecie, kosodete kesi alimokin eong abunore adumun...Ido kotema Emoyo Lokalaunan atemar atiar, "konyou ber kosakasakaa motimot kosodi aijesar kwap lailo."

Ido abu eong kalot kwap aitor nen, kayoi, kaomoomoi, "Ijoba, eyapie kereka ekadege akapakin anyoun!"

98 Abu cut kiyatakinite atemar atiar, "Kiyatak alosit. Kiyatak alosit kingaren." Arai cut katutubet

nageunet naka aijaanakinika.

Kasodi eong angolekin, egonga kajuwai naka abwas kanen, ido ajai iidukuru yenadit noi, iibois yenipetai. Ajai iinac naemojongit ebwoi kanen. Oo, arai ngesi...Kotakani bala adiopet kainacan nu nuinomakinitai apapulai nuka abalagalan nuka Aunt Jemima. Iitinyo luepolok lubukuny, ijenete yesi, kosodi ike-iketima, ekesati kokuunite kopur. Ecogeikinit ngesi orute kopone kangol, ido abu cut eong...ajai eong ayoi ikosio ngin yenikamunit...yenididi...Inyo arai e...kemurwoki eong ikosio yenabu eong kajai ayoore. Kwana, arai ibore yenekamunit-yenekamunit...Arai ikosio yeneuriana yen Ipentekotin, eyubil lodidi.

Ido abu do ber eong kapala ayoore, kasodi aapikin die. Kasodi eong alosit arasit kanen. Ido ajai ngin ebwoi kanen koleleete akio koitiny ngul lubukuny; Akoto eong aitun nges. Kotema ngin atiar, "Ayogan nakatupuruc, pasta!"

Katema eong, "Iija, inyoin ibala jo?"

Kobala ngesi, "Abala eong, 'Ayogan nakatupuruc, pasta.'"

Katema eong atiar, "Kijenuni bo jo biai ebe arai e pasta?" Kwana, mama ejaasi itunga luko Ngalakimak, erai ngin apolouke "ekejaanakinan," ijenete yesi. Katema, "Kwana, kijenuni bo jo biai ebe arai e pasta?"

Kobala ngesi, "Ajeni eong ebe ibunit jo."

Katema eong atiar, "Ibu ijo kojene ebe abunit eong?" Nges eong aoomoom, "Uh-oo, ngin bodo na kane, teijo."

Kotema ngesi atiar, "Eebo, cut." Kobala, "Iiritor ijo aisiom akiro nuejaas toma Obaibuli, pasta, nuikamunitos aberu Asunamit ngin?"

Katema eong, "Eebo, iija, asiomitor eong ngun."

Kotema ngesi, "Abu eong karai epone kabaru kangin." Kobala ngin, "Abu eong kelip Ejakait arai Ngesi ti koinak eong ikoku, eong ka okilenika, ido ti eong ketopolou ngin kanuKeng." Kobala, "Abu Ngesi kiswama, abu Ngesi koinak eong ikoku." Kosodi kobala, "Abu eong ketopolou nges, korai etelepat loejokuna." Kobala, "Abu koupakinos ka lukarokok, pasta. Abu kodum adeka nakaronon," ido kobala, "ejai ngesi eperi kotoma kanen euta atwanare. Ejai lem ngesi eutasi katwanare adaun bala apaarasia aarei kwana. Mam da ber ikwarunitor adaun apaarasia aarei. Ajai etunganan loerai edokita ne ido abala, 'Mam nges epedori aijar,' kobala, 'euta ngesi atwanare.'" Kerai adeka naikopa kotoma aelo, teijo. Kobala, "Arai na aninik noi kamakang asesen ikakoku etwani, ido abu eong kelip akuare kere kia."

99 Ido kobala, "Katema eong, 'Ejakait,' kobala, 'arai eong epone kabaru nakerai aberu n'Asunamit ngin, konye' kobala, 'aibo ejai Elisa Kon?'"

Ido kobala, "Abu eong kajotoor kasodi airuja airujasit, ebe abwoi eong kane korute kalo, ido abu eong kaanyu jo ibuni itorunit orot kojai ikopiira ngin esubit bala ipungokina osiep ediopet loka akonikou." Konye kobala, "Ejai ibore idiopet bon," kobala, "aibo ejai ngin..." Kobala, "Ebeit jo ti ikodit suitcase."

Katema eong, "Abu eong kajalak ngin kangina ko Peabody Hotel."

Kotema, "Abu eong kajeni ebe abeit ti ijo ajaut ka suitcase." Ido kobala ngesi, "Euta ikakoku atwanare."

Katema eong, "Ekakiror nges Branham."

Kotema ngin, "Eyalama eong airiamun ka jo Pasta Branham."

Katema eong atiar, "Elipanakini eong lukadekak. Iiritor jo apupun nuka aijaanakinika?"

Kotema, "Mam, mam eong aomit bala eiraritor eong." Kobala, "Ijo mam ilomuni toma?" kasodi do eong alosit toma.

Ekesa ngol lopeti eperi kanen kopone kangol. Ajai eong atamit alimokin ngin nuka aitangale naka Edeke, konye mam arai ngun kes apodo ngesi. Akoto ngesi apupun etelepat ngol elimuni ebe kerai ngesi "lokitaruna ido kokapakina alosit." Ido ebala ngin...Ido abu Edeke kitajar ngol.

Ido bala akaulo na ekaru ediopet abu eong kaanyu ngol kangina kwape ekeswaman ositeseni. Epone loiswama Ejakait iboro!

Konyet do na abongoria eong, akaulo kangun, abeit eong ti...abeit edege ngol ti enyounit kosawa ediopet, ido arai bala isawan iuni katutubet. Kasodi eong adokikin etakisi kasodi abongor. Ido nape cut alomari toma, kobakate, "Aiwororet nakawasia kanuka edege enaaba mutan-ka-mutan." Abu Ejakait kirebok edege ngol kokwap kanen najaar eong alosit ailipakin etelepat ngol. Ianyu? Nges bo ngin.

100 Ajai eong atamit aomoom nuka ngol, ikosio yenididi, "Idiopet Ka Kesi." Nges bo nen. Oo, epone lokiminar isio asubun aujo kotoma kane, kasodete aibap akosikanin. Kibala isio:

Idiopet kakesi, idiopet kakesi,
 Eyalama eong noi ebe apedori eong atiar ebe arai eong idiopet kakesi; (Aleluyiah!)
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi.
 Atukokina kesi toma agola nakokuju,
 Kilipete kere KokiroriKe,
 Aponi kibatisai kesi k'Emoyo Lokalaunan,
 Kosodi apedor abunore kanuka aijaanakin;
 Kwana nuabu Ngesi kismama kanukec apaaran ngin
 Kismamaikini yesi da ngupengun,
 Eyalama eong noi ebe apedori eong atiar arai eong idiopet kakesi.
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi.
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi. (Iraasi yesi?)

101 Kopupokisi ekokoro lo.

Karaida mam itunga lu isisiatos,
 Araiboot epoget kanuka ajenaara kakwapin,
 Adumutu ngul kere Pentekosit kec,
 Ibatisatai Kokiror loka Yesu;
 Ido ejaasi alimokin kwana, airotarit luelwaka ka alalau da,
 Erai akepedor ngesi ngipengin,
 Ido eyalama eong noi ebe apedori eong atiar arai eong idiopet kakesi.
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi;
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi.
 Oo, kobia, onaceka, komou arerengu na
 Naitalauni ekonitau kama ka adiakar,
 Itegeari ikidei-lukaiyalama aruo
 Ido idarit ekonitau kobirani;
 Oo, enokie kwana kotoma otauka,
 Oo, aibuses mama ejai EkiroriKe,
 Ido eyalama eong noi ebe apedori eong atiar arai eong idiopet kakesi. (Iyalamasi yesi kanuka ngun?)
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi;
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi.

102 Oo, mam kereka yesi iyalamasi? Keyogaikinos ber oni aijangijang akanin idiopet ka yenice nakiyeo oni nges. Keswamata ber oni ngun.

Idiopet kakesi, idiopet kakesi,
 Eyalama eong noi ebe apedori eong atiar arai eong...
 Eyalama eong da, onac.
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi.
 Oo, kobia, onaceka, komou arerengu na
 Naijaikini...aijar abiran,
 Naitegeari ikidei-lukaiyalama aruo
 Ido idarit ekonitau kobirani;
 Oo, enokie kwana kotoma otauka,
 Oo, aibuses mama ejai eKe...

Kekiasi oni akaniniwok kuju.

Eyalama apedor atiar arai eong idiopet kakesi.
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi;
 Idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi.

103 Kopupokisi ejok noi bobo kwana, teijo.

Karaida mam acepak-acepak itunga lu kisisiatos, (mam cut kesi elomunitos ko kolej)

Araiboot epoget kanuka ajenaara kakwapin,
 Adumutu ngul kere Arerengukec naka Pentekosit kec,
 Ibatisatai Kokiror loka Yesu;
 Ido ejaasi alimonokin kwana, airotarit luelwaka ka alalau da, (kanginiridai kere ka
 ekoona da)

Erai akepedor ngesi ngipengin,
 Eyalama eong noi ebe apedori eong atiar arai eong idiopet kakesi.

Oo, koye ngol, ekansa!
 ...kakesi, idiopet kakesi,
 Eyalama eong noi ebe apedori eong atiar arai eong idiopet kakesi;
 Oo, Idiopet kakesi, idiopet kakesi,
 Eyalama eong noi ebe apedori eong atiar arai eong idiopet...

Kolem iitabala kon yenididi ngin kwana.
 Idiopet kakesi, idiopet kakesi
 Eyalama eong noi ebe apedori eong atiar arai eong idiopet kakesi;
 Oo, idiopet kakesi, idiopet kakesi,
 Ido eyalama eong noi ebe apedori eong atiar arai eong idiopet kakesi.

Kituritete Ejakait! Amen! Kirai cut oni bala idwe. Enamei ibore yen erai yenikaput kanuikamunitos oni.
 Emameete Edeke ka aput. Erai mere ngin nakabeit? Eebo, cut!

Arai eong idiopet kakesi, idiopet kakesi,
 Eyalama eong noi ebe apedori eong atiar arai eong idiopet kakesi;
 Arai eong idiopet kakesi, idiopet kakesi,
 Oo, eyalama eong noi ebe apedori eong atiar arai eong idiopet luka...

104 Iyalama kereka jo teniteni ebe ipedori jo alimor ngun? Kikia ber jo akonikan, kobala, "Kituritete
 Ejakait!" [Ebala atukot, "Kituritete Ejakait!"-Ekewa.] Kituritete Ejakait! Eyalama eong ebe arai eong
 idiopet kakesi! Eyalama eong araut.

Ejakait Edeke, eyalama eong noi. Idiopet kakesi! Idiopet kakesi! Eyalama eong noi ebe apedori eong
 atemar ebe arai eong idiopet kakesi. O Edeke, kingarakinai isio araut ngul. Kingarakinai isio aidar Aica
 kiliyai, wu Ejakait, kwape kijaar isio alosit Sion. Kocamak ngun, Papa. Kokiror loka Yesu Kristo, kijaikinit
 isio akosijar mamaKon kanuka aijaanakin. Amen. Amen.

Oo, kijai oni alosit Sion,
 Oo, Sion loibus, loibus;
 Kija oni alosit adokar kuju Sion,
 Eibuga ngol loibus loka Edeke.
 Kopotu, oni lukimina Ejakait,
 Kojenunai aiyalama wok,
 Kemorikikinos kokosio keipeone loejjim,
 Kemorikikinos kokosio keipeone loejjim,
 Ido kopone kangol kerigautu eicolong
 Ido...(Oo, koyooto cut kotoma Omoyo!)
 Oo, kijai oni alosit Sion,
 Sion ngol loibus, loibus;
 Kija oni alosit adokar kuju Sion,
 Eibuga ngol loibus loka Edeke.
 Oo, kijai oni alosit Sion,
 Sion loibus, loibus;
 Kija oni alosit adokar kuju Sion,
 Eibuga ngol loibus loka Edeke.
 Kinye ngul kongeroto aiyo
 Lumam ajenete Edekewok;
 Konye idwe luka Ekabaka lokokuju,
 Konye idwe luka Ekabaka lokokuju,
 Kinerata aiyalamakec kokekwan,
 Kinerata aiyalamakec kokekwan.

Kayooto oni ngol!
 Oo, kijai oni alosit Sion,
 Oo, Sion loibus, loibus;
 Kija oni alosit adokar kuju Sion,
 Eibuga ngol loibus loka Edeke.

105 Oo, mam tope ngin elolua yes? Yesi mam iminasi ikososinei ngul lumojong? Eong-ajok eong ajaut kangul itia kere luipedorete yesi...araiboot epone ece kere loka ikososinei luipedorete yesi ajakut kede. Ejokuka kesi, ikososinei lumojong luetiriritosi etau. Oo, ikatuan! Apupi eong ajok noi ido eyalama da na ayeo eong kes, ajokuka cut! Ikatuan apupi cut bala ti alakanar!

Koyanga Ekiror loka Yesu kajo,
 Ikoku yenikican ka asurup;
 Kiinakini jo aiyalama ka aitalakario,
 Oo, koyanga nges, neilosu jo kere.
 Ekiror loketiai (Ekiror loketiai!), Oo, epone loejijimiar! (Oo, epone loejijimiar!)
 Amuno naka akwap ka aiyalama naka Akuj;
 Ekiror loketiai, Oo, epone loejijimiar!
 Amuno naka akwap ka aiyalama naka Akuj.

Kwape kitulurio akwesiwok kwana:

Kanuka Ekiror loka Yesu kajaasi ikuko,
 Aibirokin ebuburia akejeneKe,
 Kiponi aitanap Nges aboko kwape Ekabaka loka ikabakan,
 Naengetakinor alositewok.
 Loketiai (Ikoto kanu aitwar?), Oo epone loejijimiar!
 Amuno naka akwap ka...



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7